

DIARIO

UN BANDERA... UN ESCUDO... UN HIMNO... UN DIARIO

☎ 582-6747

📍 Engelandstraat 29

@ noticia@diario.aw

www.diario.aw

1,75 FLORIN

SOCIAL

**Tin indicacion
cu ainda tin
mucha cu ta
bay scol cu
stoma bashi**

Mama di fugitivo Miguel Schneiders a keda deteni

ORANJESTAD (AAN): Ya ta dos siman desde cu e fugitivo Erick Arturo Minguel Junior Schneiders a huy for di Warda di Polis na Santa Cruz. E ta sintando un castigo di 14 aña di prison cu Corte Superior a dune.

Den fin di siman caba Polis a tene un razzia na Meiveld, pasobra tin indicacion cu e por tabata eynan. Pero a haya nada.

Sinembargo autoridad a pidi pa dos persona acudi na Warda di Polis pa asina papia cu nan. Aki ta unda cu autoridad a detene tur dos.

Uno ta e mama di Miguel, esta e muher Niurka J.K. di 44 aña di edad, y e homber Julio R.J. di 28 aña di edad. Nan ta wordo sospecha di ta yudando of ta complice di tene Miguel scondi.



Aruba mester haya alternativa pa combustibel awor

Citgo Aruba parti di incertidumbre total

**Porta a habri pa Rusia cumpra mayoria accion Citgo*

**Futuro di Citgo no ta den man di Guaidó ni Maduro mas*

ORANJESTAD(AAN)--Cu cual compania Aruba mester bay negocia su salida for di e contracto cu Citgo? Un pregunta grandi cu Aruba mester haci su mes. E veredicto di Corte di Delaware, Merca, ta den man di DIARIO. E documento di 45 pagina ta bari tur certidumbre y seguridad cu por tin rond di futuro di Citgo, cu no ta den man mas di ni Maduro ni Guaidó, a menos cu Venezuela awor por paga e suma di 1.4 Biyon plus interes cu e compania minero Crystallex a gana den Corte.



Maneho di LabHOH lo cuminsa un investigacion forensico na LabHOH

ORANJESTAD (AAN): Algun siman pasa Hunta di Directiva di Hospital y LabHOH a ricibi algun señal bastante contundente cu ta duna indicacion cu tin irregularidad pasando den LabHOH. E señalnan aki sin duda Hunta di Directiva a tuma hopi na serio y di biaha a cuminsa cu un asina yama "vooronderzoek" interno sigui adicionalmente pa un "feitenonderzoek" haci pa un compania externo. Basa riba algun punto cu a sali for di e "feitenonderzoek" a duna como conseho na Hunta di Directiva pa bay over riba un investigacion forensico. E conseho aki ta basa riba indicacion di un presunto violacion di integridad.



NEW ARRIVALS

MONDAY-THURSDAY | 9AM-6PM
FRIDAY & SATURDAY | 9AM-6:30PM

E PROME CU LO ULTIMO DEN MODA NA PRIJSNAN INIGUALABLE!

ORANJESTRAAT 5 • ORANJESTAD • 5880062



Groceries Like Home!

For more information please call (297) 521-2370.
Open Monday to Saturday from 7:30am to 9pm.
Sunday from 9am to 6pm. www.lingandsons.com

THE #1 SUPERMARKET IN ARUBA | f | IN STORE!

#PartiDjeSolucion

Aruba mester haya alternativa pa combustibel awor

Citgo Aruba parti di incertidumbre total

**Porta a habri pa Rusia cumpra mayoria accion Citgo*

**Futuro di Citgo no ta den man di Guaidó ni Maduro mas*

ORANJESTAD(AAN)-
-Cu cual compania Aruba mester bay negocia su salida for di e contracto cu Citgo? Un pregunta grandi cu Aruba mester haci su mes. E veredicto di Corte di Delaware, Merca, ta den man di DIARIO. E documento di 45 pagina ta bari tur certidumbre y seguridad cu por tin rond di futuro di Citgo, cu no ta den man mas di ni Maduro ni Guaidó, a menos cu Venezuela awor por paga e suma di 1.4 Bion plus interes cu e compania minero Crystallex a gana den Corte.

E advertencianan grandi contra e contracto entre Citgo y Aruba a resulta di tin tur base y despues di a lesa e veredicto, DIARIO mester informa Aruba cu ta di gran importancia pa na prome lugha busca un forma pa substitui Citgo como e compania cu mester percura pa combustibel pa Aruba.

Despues cu gobierno anterior a yega na un acuerdo cu Valero pa entrega e terminal y e negoshi di combustibel na

Citgo, Aruba ta depende riba e compania Venezolano cu ta habri awe sin ningun siguransa riba su futuro.

For di December 2018, DIARIO a adverti cu e compania Canades Crystallex tabata cla pa bende accionnan igual na 1.4 Mion (cu ta pone na nivel di e 1.6 Bion di e financiadonan di e prestamo 2020 cu Maduro a regla).

DIARIO a tene Aruba corectamente informa riba e situacion real di Citgo y no ta atende solamente cu noticia cu e ricibi pero cu documentonan cu e ta analisa.

E veredicto di Hues di Delaware ayera, ta duna Crystallex rason pa e bende accionnan cu e mester ricibi den Citgo como pago pa e debe cu Venezuela tin cu e compania. For di December Crystallex ta cla pa bende, loke lo nifica cu Aruba ta bay wordo confronta cu un Citgo di cual mayoria di e accionnan no ta den man di ni e financiadonan 2020.

E situacion ta sumamente confuso pasobra



siman pasa Juan Guaidó a yega na un areglo cu financiadonan nobo pa e debe 2020 y e siman aki e mester a oficialisa e acuerdo pa e prestamo nobo pa asina tin mas posibilidad pa Venezuela keda cu e mayoria di accionnan.

Ayera economistanan rond mundo tabata di

acuerdo cu Venezuela ta a punto di perde Citgo.

Despues di lesa e veredicto, DIARIO por ratifica su advertencia cu Rusia por dicidi di cumpra e mayoria di e minero Canades y bira doño total di Citgo. Mescos cualkier otro grupo cu por pone placa riba mesa tambe por haci.

Te cu ayera anochi no tabata tin ningun claridad kico ta bay pasa. Un incertidumbre total ta reina den Citgo mientras tin mas compania cu kier gara e mayoria di e compania.

DIARIO lo presenta tur informacion na Aruba, cu mester prepara pa cualkier desaroyo.

Oficina di DPS cera pa un par di dia

ORANJESTAD (AAN) – Gerencia di oficinanan di Dienst Publieke Scholen, DPS, ta informa pueblo di Aruba di e siguiente. Oficina di DPS situa na Cumana 69 lo ta cera entrante dialuna 29 di juli 2019 te cu diabierna 2 di augustus 2019.

Rason pa e ciere ta pa trabounan interno. Gerencia di DPS ta spera cu pueblo tuma bon nota di esaki. Di antemano ta pidi disculpa pa cualkier inconveniencia cue saki por trece cune.

Pa bo keda conecta cu



- Pa bo potretnan exclusivo
- Pa cubri bo evento
- Pa raporta irregularidadnan riba caya

ABO TA NOS WOWO RIBA CAYA PA YUDA INFORMA NOS PUEBLO DEBIDAMENT

WhatsApp

592-9684



JOB OPENING

Beauty Advisor Lancome - Aruba

As a Beauty Advisor Lancome, you will combine excellent product knowledge & make-up skills, with an equal flair for providing outstanding customer service and the ability to work towards achieving sales targets.

Job Responsibilities:

- Work towards ensuring store sales targets are met
- Deliver excellent selling behaviours resulting in high customer engagement
- Control inventory levels by conducting physical counts and spot checks
- Share ideas for delivering creative expertise, whilst working together as a team to ensure the smooth and efficient running of a busy store

Job Requirements:

- Education: Minimum high school education
- Languages: English & Spanish (Dutch & Papiamentu is a plus)
- Cosmetic experience preferred
- Excellent communication, people & organizational skills
- Professional, team focused and fun attitude
- Strong sales and customer service skills
- Ability to work in a fast paced environment
- Willing to work flexible hours, including nights, weekends and holidays
- Must be able to work on your feet all day

Please send your resume (in English) to: Recruitmentaruba@jlpemha.com



Editoria

E inhusticia di belasting enfrente sector priva

E crisis cu Aruba conoce actualmente, no ta algo cu a surgi diripiente. E ta un situacion cu a wordo crea dor di maneho financiero di gobernacion, cu a distingui su mes for di e maneho cu un compania priva mester mantene pa evita cu e ta bati bankroet y cera su portanan.

Comercio no por practica e mes formula pa entrada y ganashi cu gobernacion ta mantene pa e motibo cu comercio no tin e autoridad di exigí pago manera un gobierno tin den cobranza di belasting.

Si tur negoshi local cera nan porta, e cantidad di trahado cu tambe mester paga belasting tambe ta baha. Si tene cuenta cu e cantidad di trahadonan cu e negoshinan chikito y mediano ta emplea, por bisa cu gobernacion ta den un problema serio si placa di comercio local y su trahadonan no drenta lachi di gobierno.

Con husto nos leynan fiscal ta? Nos leynan fiscal no por ta husto den un sistema cu ta permiti politiconan trata cu entrada di e pais, na un forma cu mester crea problema pa e pais. Nos leynan fiscal no por ta husto, si entrada di gobernantenan ta proteha y no ta baha den tempo di crisis, mientras comercio cu ta fuente di e entrada mester mira con e ta kibra su nek pa e paga belasting.

Ora gobernantenan baha, hasta si nan destrui e pais, nan tin areglo pa haya placa te ora nan tin entrada nobo y nan por conta cu pensioen pa e tempo cu nan tabata gobernante. Ora comerciantenan bira bieu, nan mester mira con nan ta tene nan mes na bida.

Pa gobierno cera su porta ta masha dificil. Cualquier empresa den e situacion cu gobierno ta actualmente, lo mester a cera su porta. Pero

e aparato gubernamental incluyendo politiconan cu a destrui e pais, mester keda habri.

Awe Aruba ta paga pa fayó gubernamental. Comercio y trahadonan den comercio mester paga pa e crisis cu gobierno anterior a crea.

Mientras gobierno ta duna su mes espacio pa paga comercio pa servicionan, comercio mester keda sin paga su trahadonan si ta necesario, pa paga belasting y primanan cu hasta ta resultado di mal trabou di gobernacion.

Na e momento cu e trahado cobra, e mester paga placa pa gobierno por cobra placa cu autoridad absoluto.

E crisis cu Aruba ta pasa aden ta prueba di inhusticia enfrente comercio pasobra ta placa di comercio tambe a wordo malgasta mescos cu placa di e trahadonan den comercio cu awe tin miedo pa e crisis no costa nan pan.

Comercio por tuma paso. Comercio por dicidi cu no ta entrega mercancía mas na gobierno si gobierno no por paga inmediatamente. Comercio por dicidi cu ta stop servicio na gobierno a base di areglo special di pago. Si esaki sosode, e pais cu ta nos tur, ta den problema mas grandi.

E crisis cu Aruba conoce actualmente ta prueba di inhusticia contra comercio local, cu ta ader mayor di e situacion financiero di Aruba.

Un pregunta ta confirma inhusticia: si Aruba tabata nan negoshi priva, gobernantenan di ayera lo a crea e crisis cu awe ta suta trahado di belasting?

Mama di fugitivo Miguel Schneiders a keda deteni

ORANJESTAD (AAN): Ya ta dos siman desde cu e fugitivo Erick Arturo Minguel Junior Schneiders a huy for di Warda di Polis na Santa Cruz. E ta sintando un castigo di 14 aña di prison cu Corte Superior a dune.

Pero debi na algo cu el a comete den Prison di KIA, el a wordo hiba pa Warda di Polis pa asina nan por interoge. Aki ta unda el a haya chens di huy.

Den fin di siman caba Polis a tene un razzia na Meiveld, pasobra tin indicacion cu e por tabata eynan. Pero a haya nada.

Sinembargo autoridad a pidi pa dos persona acudi na Warda di Polis pa asina papia cu nan. Aki ta unda cu autoridad a detene tur dos.

Uno ta e mama di Miguel, esta e muher Niurka J.K. di 44 aña di edad, y e homber Julio R.R.J. di 28 aña di edad. Nan ta pa wordo sospecha di ta yudando of ta complice di tene Miguel escondi.


Polis a bisa cu loke nan ta haciendo, ta violacion di Artículo 2:146 di Código Penal di Aruba. Artículo 2:146 ta indica cu esun cu libera of yuda na liberacion



di un persona cu tin un castigo di prison riba su cabez, ta castigable cu castigo di prison cu maximo 4 aña.

Recherche a forma un team pa investiga y localiza e fugitivo, y nan tin bon indicacion cu e ta na Aruba ainda. Miguel tin 24 aña di edad.

Pesey nan ta urgi pueblo di Aruba, cu si bo por sa algo di su paradero, pa yama Tipline di Polis mesora na 111-41.




Director di DIP ta informa: DIP Lo ta cera di 19 pa 23 di Augustus proximo



ORANJESTAD (AAN) – Director di Departamento di Infraestructura y Planificacion (DIP) sr. Haime Croes, a duna di conoce cu pa motibo di otorgamento di productonan cu varios cliente a pidi añanan atras y no a wordo duna, y cu ta bay actualiza entre 5 pa 16 di Augustus, DIP lo ta cera di 19 pa 23 di Augustus proximo.

Esaki ta pa pone tur cos den computer y caba di wak tur e peticionnan cu tin pendiente y haci posible cu e personanan cu lo re-inscribi haya loke nan no a haya ainda. Tambe nan tin cu prepara pa e actividad di pre-reservacion dia 26 di Augustus pa peticionnan di 2008 y 2009, cu ta bin na remarca pa nan haya nan soño, cu ta traha nan propio cas.

Accidente serio cu herido na Seroe Pita



ORANJESTAD (AAN): Dialuna den horanan di atardi riba e caminda di Seroe Pita a tuma lugar un accidente basta serio, na unda tabatin tres persona involvi y dos tabatin heridanan serio.

Un di e heridonan tabata sangra profusamente y a bira histerico cu personal di ambulance y polis. El a hasta cuminsa haci varios menasa, sea pa motibo di su heridanan of pasobra e tabata bao di influencia di alcohol of otro substancia, polis mester a boei pa e calma su mes. Asina mes, el a resisti y a agredi un agente, kende a mand'e vloer pa e calma. Porfin a logra pa e drenta ambulance, pero e tabata demasiado agita. Mirando cu crusada di Seroe Pita ta cera y e impacto contra e auto tabata hopi fuerte, especialista di trafico a presenta na e lugar pa mas investigacion.

E & E TRADING TEL: 588-2828 • TUNASTR. # 4
E: e.n.e.trading@gmail.com

Bo adres # 1 pa: "Raynor" Garage Doors + rolleur;
"Came" + "Proteco" sliding gate openers;

Deurmat personaliza riba pedido,
pvc plumbing fittings (50% off); 7" hard plastic numbers
+ letters (50% off); "American Standard", Lavatory, urinal,
+ parts (50% off); "Weihrach" air rifles + pistols,
pellets ariba pedido; parts pa Bentana di Aluminio; punta di hero
pa cura (50% off); Bentana Americano di alum. (50% off);
bandera cu mensahe (50% off); toilet seat 50%, Sunsash Frame,
Servicio + benta ta solamente ariba afspraak!!!

Paseo Herencia
"nos orguyo... Aruba's pride"

Scholarship
THE GIFT OF EDUCATION

"A good education is the greatest gift you can give yourself or anyone"

Paseo Herencia is proud to offer scholarships to the community of Aruba. To qualify and to be considered each applicant must submit the following:

1. The application for scholarship signed and dated by parent
2. Application letter (100 words or more)
3. Report Card

Guidelines

All information must be neat and legible. Application must be submitted via email marketing@paseoherencia.com no later than **August 7th, 2019**

For more information please contact us at marketing@paseoherencia.com or 5866533

Nayron a gana bunita suma cu Big4



ORANJESTAD (AAN): Riba Dialuna, Nayron a presenta na oficina di Lotto pa Deporte cu su ticket di e wegá di Big4.

Mesora e funcionarionan di Lotto pa Deporte a controla e serial number di e ticket, y e computer a confirma cu el a gana hungando e number 1919.

E number ey ta fecha di un ser kerí, y Nayron ta contento cu a cumpra na wegá di Big4.

Cu esaki el a gana 75.000 Florin. Mesora esnan na oficina a transferi e placa pa su cuenta di banco. E ticket ganador a wordo cumpra na Ambiente Lottery.

Maneho di LabHOH lo cuminsa un investigacion forensico na LabHOH



ORANJESTAD (AAN)-- Algun siman pasa Hunta di Directiva di Hospital y LabHOH a ricibi algun señal bastante contundente cu ta duna indicacion cu tin irregularidad pasando den LabHOH. E señalnan aki sin duda Hunta di Directiva a tuma hopi na serio y di biaha a cuminsa cu un asina yama “vooronderzoek” interno sigui adicionalmente pa un “feitenonderzoek” haci pa un compania externo.

Basa riba algun punto cu a sali for di e “feitenonderzoek” a duna como conseho na Hunta di Directiva pa bay over riba un investigacion forensico. E conseho aki ta basa riba indicacion di un presunto violacion di integridad. Loke ta investigando ta e proceso completo di testnan cu ta ser efectua pa departamento di patologia di LabHOH y especificamente testnan haci pa un compania Hulandes. Hunta di Directiva a haya suficiente indicacion cu a conducina pidi un compania externo pa inicia un investigacion forensico.

Hunta di Directiva su

deseo ta pa e investigacion aki cana e caminda corecto y kier sigura cu a tuma tur paso legal necesario te ora e resultadonan di e investigacion ta conoci. Ta importante pa menciona cu Hospital y LabHOH ta distancia su mes di expresionnan haci den medionan di comunicacion. Motibo tras di esaki ta cu tanten un investigacion ta andando y resultadonan no ta conoci ta irresponsabel y no profesional. Ta importante pa duna espacio pa asina e proceso di investigacion cana su caminda. Si en berdad e investigacion duna di conoce cu ta trata aki di irregularidad nos kier sigura cu lo tuma pasonan adecua.

Calidad y integridad ta sumamente importante pa Hunta di Directiva di Hospital. Tur e profesionalnan di LabHOH kier sigura pa shent cu nan por ta tranquil ora nan pasa cerca nos pa cualkier test diagnostico. Apesar di e circunstancianan dificil actual ta haci tur lo posibel pa garantisar e mesun servicio di calidad na cualkier di nos localidadnan.

Follow us on @jrautocenteraruba

FLASH SALE

1 WEEK ONLY! 30/7 - 6/8 '19

400 CA Pole Fini

Fits: Hyundai i10, Kia Picanto, Nissan Cube, Hyundai Atos, Nissan March, Suzuki Swift | Alto & much more!

36B20L
f77⁸⁵50

500 CA Pole Fini

46B24L
f105¹³⁵,-

450 CA

51R675
f99¹¹⁰,-

600 CA

58(R)-675
f143¹⁵⁵,-

800 CA

24(R)-775
f164¹⁹⁵,-

800 CA Heavy Duty

27(R)-775
f175²⁰⁵,-

FREE BATTERY & CHARGING SYSTEM TEST!

WARRANTY 1 YEAR


*All prices are tax included

Pa bo keda conecta cu

ABO TA NOS WOWO RIBA CAYA PA YUDA INFORMA NOS PUEBLO DEBIDAMENT

WhatsApp 592-9684

- Pa bo potretnan exclusivo
- Pa cubri bo evento
- Pa raporta irregularidadnan riba caya



Awo cu 2 florin mas, bo por gana e **MEGA PLUS**

*Afl.

370.000,-

*Afl. 270.000,- + Afl. 100.000,-
sorteo ta awe nochí extra

Obtenibel na cualkier rebendado di Lotto.



Parlamentario Endy Croes:

Mike de Meza a perde gevoel y cuero di cara total!



ORANJESTAD (AA): Parlamentario Endy Croes ta splica cu e ta haya “berebere” como Parlamentario momento e scucha un ex minister corrupto manera Mike de Meza cuestiona nos Minister Presidente actual alrespecto di CITGO. Mester recorda Mike de Meza cu ta e mes a splica den un corant local riba frontpage cu tur cos ta cla pa cuminsa desmantelacion di e refineria. Si no tabata pa MEP cu esfuertonan en realidad di Glenbert Croes y ora “0” awe refineria lo a pasa pa pasado. Mike De Meza a sinta negocia cu un Board di CITGO

cual tur ta cera awe y a cera un contrato desbentahoso pa Aruba di cual te awe nos ta pega cune. Trabaonan grandi ta wordo haci pa libera Aruba sin cu esaki lo costa pueblo pero sigur ta un materia complica cu no ta bay facil. Ohala promer cu fin di e aña aki lo tin claridad pa asina e gobierno aki por negocia un contrato drechi pa cu un posibel refineria pa futuro. Contrato di tortura Mike de Meza despues di a bay Houston un cantidad di biaha, “wine and dine” hunto cu Richard Arends cu e hendenan aki, a firma un con-

tracto di tortura pa pueblo di Aruba. Nos por corda tambe con Mike Eman cu un Team a bay firma cerca Maduro. Mike de Meza no a keda te aki pero tabata manera un man drechi pa un tal Raul Baradat. E cabayero aki ta un di nan cu tabata deep deep involvi den Man Camp. Tambe Mike de Meza por splica pueblo kende ta Surendranath Chuckaree? Esaki ta un right hand di Mike de Meza? Man Camp, un proyecto di 87 MIYON Dollar. Dicon PMEC di Mike de Meza tabata haya tur e contractonan lucrativo? Kisas e righthandnan aki tabata fix tur cos pa Mike? Pueblo mester siña conoce kende Mike de Meza en persona ta di berdad! Pues vision di Mike Eman y Mike de Meza

y partido AVP ta pa endeuda pueblo bay goal y anda den multiyionarionan so pa nan yena nan cartera na tur sorto di forma. Curashi of cuero di cara? Recientemente algun luna pasa e Board nobo di CITGO a splica un delegacion di Aruba durante un meeting na Miami cu alrededor di 181 MIYON dollar tambe a disperse cual tabata destina pa e proyecto CITGO Aruba. Pues aki no ta papia di 10 florin pero di masha hopi placa. Parlamentario Endy Croes ta reta Mike de Meza bin dilanti y cuminsa splica pueblo ken e dos personanan aki ta y kico su relacion cu nan tabata ta den dicho proyectonan. Pues awor net Mike de Meza kier cuestiona Minister Presidente riba CITGO? Sea

ta curashi of sea ta cuero di cara. Parlamentario Croes ta bisa di curashi no a keda nan nada, pues mester por ta cu e hendenan aki a perde gevoel y cuero di cara total. Un ex minister cu ta esun originalmente culpabel pa e desaster financiero y e Mega Debe, a bende Lotto pa prijs di baca flaco cu e Canadesnan, a desgracia Aruba cu un contrato “chimbo” cu CITGO, a Hedge WEB costando e pueblo aki casi 300 MIYON florin y ainda ta cobrando salario como Parlamentario sin ta presenta na trabao no por tin moralidad of dignidad? Nos ta keda pendiente pa Mike de Meza su reaccion y spera cu e por ta sincero cu pueblo, por lo menos un biaha den su bida, Croes ta termina bisando.

HERFEST 2019

COLOMBIA

OCTOBER 5-12, 2019

- AIR
- HOTELS
- TRANSFERS
- PARQUE DEL CAFÉ

- PANACA
- BOGOTA
- ZIPAQUIRA

ADULT/DBL
AWG 2,013 P/P

CHILD 3 - 6YRS/DBL
AWG 1,250 P/P

CHILD 7 - 10YRS/DBL
AWG 1,646 P/P



5202080 / 5870495

MAESTRO BENJAMIN

Mi tin e don e capacidad y e conocimiento pa cubo tin e cura pa bo malesa. No ta importa con dificil o extraño cu e por ta. Si abo ta un di e persona nan aki, bo no por drumi o bo ta sinti dolor di cabez. Door di bariga o bo no por cana. Mi ta un experto den cura e enfermedad nan aki y hopi mas den poco tiempo. Bo ta hunga loteria. Casino y bo no ta gana, cu e ajudo del Maestro Benjamin bo suerte lo cambia. Domino y amaro na bo pareja. Novio esposo o persona di bo mes un sexo sin importa tempo y distancia y cu seguridad e ta bolbe rendi na bo pia pidibo pordon, resultado 100% efectivo y garantisa.

CEL: 641-4186

Corte a ratifica union special Citgo, PDVSA y Gobierno Venezuela

Minero Canades ta rementa aventura di Citgo

**Advertencia DIARIO pa buelta grandi Citgo a bira realidad*

**Ni borg por stroba Crystallex di ricibi 1.4 Miyon y interes*

ORANJESTAD(AAN)--Ta existi e pensamiento cu mester mira un compania di estado los for di un gobierno. Den cierto caso esaki no ta berdad. Hurisprudencia di dos compania den Corte na Merca a pone cu Corte den Apelacion na Delaware, Merca, a dicidi cu e compania minero Canades, Crystallex por ricibi accionnan den Citgo. Kico esaki lo nifica den un situacion cu tanto Rusia como e financiadonan 20/20 tin e total di accionnan den Citgo, no ta conoci.

Den un veredicto di 45 pagina, Corte a rechasa e apelacion di Venezuela contra e veredicto di Hues na 2018.

E caso aki tabata uno di e situacionnan mas importante cu DIARIO a presenta na Aruba pa muestra riba e peligrosnan grandi cu e proyecto rehabilitacion refineria di Aruba tabata contene.

Crystallex ta uno di e companianan cu a

wordo perhudica dor di e nacionalisacion di economia Venezolano dor di Chavismo.

Mescos cu cantidad di otro compania, el a trata di tur forma pa recupera e perdida cu el a sufri. El a dicidi di pidi Corte permiso pa e pone beslag riba Citgo como propiedad Venezolano.

Den un caso unico, Hues na Merca a muestra cu tin tur prueba cu regimen Maduro y asina PDVSA tabata uno cu Citgo y PDV Holding. E hecho cu Maduro por a haci y deshaci manera e tabata kier den Citgo, a haci cu a duna Crystallex rason y el a haya derecho pa tuma 1.6 Biyon aproximadamente como accion den Citgo.

E suma ta representa e placa cu el a exigi di Venezuela cu interes.

Manera DIARIO a relata na December 2018, e hecho cu regimen Maduro no a sigui cumpli cabalmente cu e pagonan na



Crystallex, e compania a duna orden na su abogadoonan pa cuminsa cu e benta di e accionnan cu Crystallex tin derecho ariba y cu ta mes tanto placa cu e accionnan di e grupo

di financiadonan 2020.

Crystallex a cuminsa cu e benta ora regimen Maduro a dicidi di apela e decision di Hues na favor di Crystallex.

Ora Juan Guaidó a asumi presidencia di Venezuela el a nombra e gerencia nobo di Citgo y a pidi Hues un oportunidad pa e yega na un acuerdo cu Crystallex.

Te awe no tabata tin cambio pa loke ta trata e situacion concreto na Venezuela, caminda ainda ta Nicolas Maduro ta haci y deshaci cu PDVSA manera e kier na Venezuela.

Den Corte na Merca esaki a bini dilanti tambe den e veredicto di Corte, cu a indica cu a scucha Guaidó pero cu ni Maduro ni Guaidó por evita cu Crystallex por haya e accionnan den Citgo a cambio di e placa cu Venezuela debe.

Hues a muestra tambe cu e no por tene cuenta cu e interes di e financiadonan 2020 y cu Crystallex tin derecho riba 1.4 Biyon plus interes na accion den Citgo.

DIARIO lo sigui amplia riba e desaroyo sumamente importante pa Aruba.



📍 Isla Bunita Mall ☎ 587-3311

20
ANNIVERSARY
**MEGA
SALE**

1-2-3 di Augustus

**Telefonnan
di DIARIO
582-6747
Fax
582-8551**

Tin indicacion cu ainda tin mucha cu ta bay scol cu stoma bashi

Fundacion Uni Man Pa Cria Nos Muchanan ta sirbiendo desayuno na 675 mucha

ORANJESTAD (AAN): John Fun di Fundacion Uni Man Pa Cria Nos Muchanan a laga sa den entrevista cu DIARIO cu nan a cera e aña escolar cu 675 mucha. Tabata tin un tiki menos cu 600, pero despues di vakantie di Pasco di Resurreccion, nan a wordo acerca door di Traimerdia y a cuminsa yuda nan tambe. Esey a haci cu e cantidad di mucha a subi un tiki. Minister Glenbert Croes awor a duna di conoce cu e ta bay sostene e proyecto y lo yuda stimula e ayudo cu e fundacion ta hayando

for di e sector comercial y gubernamental tambe si ta necesario, a bisa. E aumento den e cantidad di mucha no ta duna mucho indicacion, Fun a señala. Te cu awor nan ta preparando desayunonan pa e muchanan y e grupo cu a bin acerca di Traimerdia ta despues di merdia. Hopi di e muchanan cu ta hayando e cuminda na Traimerdia tambe ta haya desayuno cu e fundacion. John Fun a laga sa cu nan ta hayando indicacion cu ainda tin muchanan cu ta bayendo scol sin desayuno.

E fundacion tey pa yuda caminda cu por yuda, a remarca. Aña escolar ta bay habri y asina scol habri nan ta manda email pa tur scol cu ta inscribi cerca nan y haci update. Esaki ta un momento pa haci un inventario tambe pa wak ken ta bin na remarca, a indica. Fuera di esey tambe ta manda email pa scolnan cu ainda no ta inscribi cerca e fundacion pa e ora tuma e oportunidad di inscribi algun mucha cu mester di desayuno. Fun a manifesta cu e fundacion no tin e capacidad di bay evalua si e mucha ta cay den e focus group of no. Pesey nan ta pidi e scolnan pa nan haci screening. E maestronan ta cu e muchanan henter dia y nan sa ken por y ken no por afford un breakfast, a bisa.

Banda di esaki John Fun a expresa cu nan por constata cu e problema social tey y esey ta e focus di nan proyecto. Nan punto di salida ta cu si un mucha ta bay scol cu stoma bashi. Sea cu ta door di pobreza of negligencia di su mayornan, no kier stroba e mucha pa haya un cuminda.

A keda comproba cu e muchanan cu stoma bashi no por siña bon. Pesey e fundacion ta contento cu nan por yuda y no tin indicacion cu e problema ta creciendo hopi rapido pasobra nan a keda stabil mas o menos pa tres aña caba.

Tanten cu e fundacion por nan ta yuda. E deal cu nan a haci un Traimerdia ta cu e muchanan ta haya e mesun cumindanan cu ta duna pa desayuno.

Un bes cu aña escolar habri ta bay wak kico por haci. Pero cuminda cayente of un sandwich di lunch ta mas caro cu un sandwich di desayuno.

Fun ta keda optimista pasobra e persona cu ta yuda e fundacion a priminti di busca ayudo for di e sector hotelero. El a agrega cu



nan ta traha cu un sistema di logistica cu ta haci un tiki dificil pa parti cosnan cu por dañ. A remarca cu placa lo por yuda y locual un negoshi interesa den yuda por haci ta dicidi di sponsor tanto mucha. Semper nan ta mantene e suma di 25 florin pa luna. Ta hayando donacion di e

service clubnan tambe. E negoshinan por aporta materialnan manera juice y productonan di lechi den paki, cu ta cosnan cu no ta dañ asina lihe. Tambe por colabora cu descuento, etc. Por comunica cu e fundacion pa medio di John Fun of Rachel Roos via e number di Hospital.

Chauffeur bao influencia a pone auto pega den mata



ORANJESTAD (AAN): Habitantenan di Rooi Bosal a scucha diadomingo anochi un desordo y ora nan a sali pa wak kico por a sosode nan a haya un auto cu a drenta mondi.

A bin topa cu un Hyundai Accent color preto cu geel pega den mata. E chauffeur di e auto a purba di huy, pero Patruxa a presenta na e sitio y asina a logra detene e chauffeur kende tabata bao influencia di alcohol.

Oduber Agencies ta busca un

PURCHASING ASSISTANT

Asisti den actividadnan di compra di Oduber Agencies

Rekisitonan:

- Minimo un MBO (Administratieve richting) of un estudio of conocimiento na nivel equivalente
- Tin minimo 7 aña di experiencia
- Dispone di bon habilidad administrativo
- Conocemento di MS Office applications y financial software (experiencia di Exact ta un plus)
- Por traha cu database
- Dispone di bon habilidad social y comunicativo
- Tin habilidad di organiza

• Ta independiente • Ta orienta pa wak detayes
• Ta pro-activo • Ta representabel
• No ta huma • Ta preciso • Ta discreto

• Por domina e idioma Papiamentu, Ingles, Hulandes y Spaño verbalmente y por escrito.

Si bo ta interesa, manda bo carta di solicitud cu CV prome cu 2 di augustus 2019 pa Sr. G. Oduber na Beatrixstraat 48 of na sollicitatie@oduber.com



Oduber Agencies nv
ARUBA

Pa bo keda conecta cu



WhatsApp

592-9684

ABO TA NOS WOWO RIBA CAYA PA YUDA INFORMA NOS PUEBLO DEBIDAMENT

Toys4Us
 coi HUNGA di calidad!



**New,new,new
 Container**

Na nos cliente cu tin deposito riba
 nan articulo di STEP2 por pasa
 busca na.
 Y na nos juffrouw di school por
 pasa wak nos catalog.



**Cumprando serca nos, bo placa ta keda circula na Aruba.
 Wilhelminastraat # 81 • Tel: 582-2207**



NEW INDIA ASSURANCE

It is with intense sorrow
that we announce the passing of our
dedicated, faithful and loyal employee of 37 years



Cornellie Margriet Arrindell

16th July 1962 – 29th July 2019

Cornellie did her work, displaying like no other, willpower, discipline and perseverance. She simply would not give up until the job was done. During her 37 years of service, she took not even one single day of sick leave.

The warm and friendly way she always answered the phone brought a ray of sunlight to every caller and really brightened their day.

Our beloved Cornellie will be dearly missed, but she will always remain alive in our fondest memories.

May she rest softly in the loving arms of her Sweet Jesus.

Condolences will take place on Tuesday, July 30 at Caya Velp 4,
San Nicolas from 7:00 PM – 9:00 PM,
And the funeral services on Wednesday, July 31, at Cristo Rey Church,
Brazil from 9:00 AM – 11:00 AM

New India Assurance's Offices will be closed throughout the day on
Wednesday July 31st, 2019

Minister Rudy Lampe a aclarea:

Lo no elimina oranan extra pa docentenan pero si lo coregi e pago pa exceso

ORANJESTAD (AAN) – Den conferencia di prensa di gobierno, Minister di Enseñanza, Ciencia y Desaroyo Sostenible sr. Rudy Lampe, el a referi na e carta tocante maneho di subsidio pa salario di maestronan, y específicamente a enfoca riba trahamento di overtime y mal interpretacion cu tin den comunidad encuanto e carta aki.

Minister Lampe a cuminsa reiterando cu pueblo a vota pa un cambio. Entre otro, el a acentua cu durante e gabinete anterior cada rato tabata sobrepasa e presupuesto cu a keda aproba pa Parlamento y no cu un suma chikito pero pa mas cu un milyon florin.

Parlamento cada bez mester a aproba un presupuesto supletorio pa paga loke a wordo gasta di mas, fiando

“Si pa gobierno hende ta central unda nos a keda?”

Ivo Valdez di OPPA asombra cu den Ouderenraad no necesariamente mester tin pensionado

ORANJESTAD (AAN): Ivo Valdez di OPPA ta reacciona tocante locual gobierno a bisa ta bay bin cune cu ta e Ouderenraad.

Segun Valdez, e Ouderenraad ta un sugerencia di OPPA. Nan a traha un documento pa Gobierno y awor e ta lesa cu den e Ouderenraad no necesariamente mester tin pensionado.

“Awor ta ken lo mester ta den e Ouderenraad anto? Hendenan cu ta bay dicidi pa nos. Te ainda mi ta sinti cu mi ta bon capacita pa pensa pa nos grandinan y nos grandinan sa kico nan ta biba. Ta nan por expresa nan sentimentonan. No un otro persona”, Valdez a expresa.

El a sigui bisa cu como pensionadonan representante di e pensionadonan mester haya un puesto den e Ouderenraad. No por laga nan afo, a enfatiza.

E pensionadonan tin e lista caba di tur e kehonan cu tin pa negocia y wak unda ta trece cambio. No por ta asina cu pasobra un hende a bira grandi e ta wordo hinca den un huki. Esey no por, Ivo Valdez a indica.

E pensionadonan cu tambe ta paga belasting, cu ta vota, tin derecho di tin un voz, a agrega.

El a sigui bisa cu OPPA a haya un yamado pa sinta un ratu cu gobierno ariba con nan kier mira e Ouderenraad,



pero awor e ta wak cu no necesariamente esnan cu ta bay den e Ouderenraad mester ta pensionado. “Ta ken nan kier tin eyden anto”, a puntra. Te ainda no a logra haya un reunion cu e mandatario en-carga cu hende grandi, a bisa. Bayendo dos aña di gobernacion. A manda dos carta caba y no ta haya ningun contesta di dje.

Valdez a expresa cu e lema di e gobierno aki ta cu hende ta central. “Si hende ta central unda nos a keda”.

El a finaliza bisando cu e ta spera cu gobierno por duna e grandinan berdaderamente e atencion cu nan ta pretende y propaganda cu nan ta dunnando.

OPPA a manda un carta caba pa tur e diferente gruponan cu ta trata cu hende grandi pa reuni y formaliza grupo nucleo como un grupo legal caminda cu tur pensionado na Aruba, cu ta mas di 22 mil, tambe tin un voz y pa por trece e preocupacionnan mas fuerte dilanti y por fin haya oido di gobierno



placa for di mercado internacional sin aprobacion di Parlamento. Esaki ta e motibo pa cual gobierno ta awe dilanti un debe gigantesco pasobra no tabata tin control di Parlamento riba presupuesto y e gobernantenan tabata haci y deshaci cu placa di pueblo. Asina minister Lampe ta indica.

Pesey pueblo a vota pa un cambio y Gabinete Wever-Croes, corectamente, a demostra cu hecho cu e cambio a bin y pa prome biah a un presupuesto a pasa sin un presupuesto supletorio.

Esaki tabata un logro grandi y e pueblo a bisa cu e Gabinete aki si ta cumpli cu su palabra, segun e mandatario a expresa.

El a sigui splica cu ta for di e perspectiva aki cu e presupuesto di enseñanza y Gabinete Wever Croes tambe, a bin cu e sistema cu cada seis luna lo mester raporta con ta para cu e presupuesto aproba, cuanto ta e gastonan y cuanto e entrada y gobierno ta bon riba e caminda, y den e cuadro aki a realiza cu si sigui cu e trend aki lo surpass e presupuesto destina pa salarionan.

Pesey a pone atencion y alerta riba e oranan extra pa e maestronan, e mandatario a indica.

Papiando di e presupuesto

pa educacion, e dignatario a señala cu 87% di dje ta bay pa salario. E 13% cu ta sobra ta bay casi completo pa paga huur, edificionan pa e scolnan mes y departamentonan di enseñanza. Pues, no por carga gastonan cu no ta presupuesta.

Caso ladronicia di caha fuerte for di Burger King posponi



ORANJESTAD (AAN): Recien den Corte di Husticia, a presenta e hombernan W.W. y A.M., pa e caso penal cu Ministerio Publico a cuminsa contra nan. Nan ta wordo sospecha di a horta na un di e restaurantnan di Burger King y a bay cu un caha fuerte. Door cu actualmente ta den e temporada di receso, no a trata e caso aki pero a fiha un dia na November 2019.

ASALTO ARMA

E acusacion cu Fiscal a presenta den Corte contra W.W. y A.M. ta cu riba 29 April 2019, nan a haci horta na un Burger King restaurant y bay cu e kluis.

Fiscal tambe ta acusa e homber A.M., di tabatin un arma di candela den su poder e mesun dia ey. Mucho detaye Fiscal no a duna riba e caso pero mirando cu A.M. tabatin un arma di candela, posiblemente e intension lo tabata pa menaza hende cu e arma aki. No ta conoci cu e ladronicia aki a sosode den dia cla.

CASO POSPONI

Fiscal a bisa Hues cu e caso a bin dilanti pro forma. El a propone pa tratamento di e caso tuma lugar dia 8 November 2019. Hues a bay di acuerdo cu e proposicion di Fiscal. Hues a pospone tratamento di e caso pa dia 8 November 2019 y cu e dos sospechosonan lo keda encarcela te dia di e caso.

Minister Lampe a expresa cu e ta lamenta profundamente cu un discusion interno entre e Director di Departamento di Enseñanza, y e directivanan di schoolnan tocante e pago di oranan extra cu ta wordo premira pa e aña escolar nobo, locual ta un tema interno, a bira publico y mal interpreta, y el a subraya cu e informacion no a sali for di e fuentenan oficial. E mandatario a aclarea na prome lugar cu no ta bay elimina oranan extra pero ta bay coregi e exceso pa cuida di e docente mes su salud, y pa evita na final di aña evita cu mester pidi un presupuesto supletorio.

Director di DOW, Marlon Croes: Deadline ta acercando

Mota-Engil tin te 16 di Augustus pa entrega proyecto Watty Vos Boulevard

ORANJESTAD (AAN): Director di DOW, Ing. Marlon Croes, a duna un update pa loke ta e proyecto Watty Vos Boulevard. El a bisa cu esaki ta un proyecto grandi cu ta wordo ehecuta door di e compania Mota Engil.

Den e proceso a haya hopi critica. A indica cu den e caso aki Mota ta esun responsabel pa e ceramento di caminda y DOW pa controla e proyecto.

Segun Croes, na fin di 2018, Mota tabata kier haci e cruzada na altura di Ling & Sons pa dia 7 di December y habri bek fin di Januari. Esaki tabata un periodo di aña hopi druk y DOW ta keda para ariba cu no ta cera e caminda ey pa no afecta comercio den e area ni e bishitantenan.

E tipo di decisionnan aki ta trece cune tambe un retraso den e timeline di e proyecto, a indica.

Den luna di Juni a haci un trabao grandi na e rotonde di Hospital entre e rotonde di Superfood unda mester a caba cu e ultimo capa y mester a cera esaki den fasenan pa asina por a caba di asfalta completo.

Esey a trece basta critica y keho ariba e proceso, pero aworaki cu ta cla por wak cu ta core mas mihor, a splica.

Si tabata pa Mota, nan lo a cera e caminda for di Sun Plaza den un solo biaha y traha ariba e caminda aki. DOW a bisa no pasobra trafico mester por sigui circula y Hospital, hotelnan mester keda accesibel. Esey kiermen cu tin cu traha



den dos fase.

DOW ta purba di guia e trabao y tene trafico circula, Croes a enfatiza.

Den e proceso ey ta menciona ariba schedule cu dia 16 di Augustus ta bay caba cu practicamente tur cos, pero tin basta trabao ta tuma lugar.

Diadomingo mainta, por ehemplo, a cera e rotonde number dos, na altura di ex Codemsa na Cumana y e trabaonan ta tumando lugar pa habri diahuebs merdia. Pa esaki tuma lugar a condiciona e compania pa habri e caminda di Meiveld, unda tin e overpass. Si esaki no a sosode lo a hinca den un problema fastioso cu fluho di trafico, Marlon Croes a splica. Tambe, a bisa, diasabra, mester a drecha e caminda di santo patras di Aurora Funeral Home pa asina e fluho di trafico por sigui eybanda den ambos direccion for di Santa Cruz direccion aeropuerto.

Ta purbando di haci e trabaonan grandi cu por trece problema den trafico ora scol habri



aki tres siman, e director di DOW.

Net pa ora scol habri e contratista kier tin e proyecto completamente cla. Relaciona cu esaki Croes tin su reserva ariba dje. Banda di e trabaonan fisico, tambe tin trabaonan administrativo pa cumpli cune.

A agrega cu un ingeniero independiente tin cu haci e auditorianan necesario pa bisa cu tur cos ta ok y cu por otorga na Mota-Engil e ciere di e proyecto. E proceso di auditoria y di haya e raportnan tambe ta tuma su tempo.

Marlon Croes a agrega cu DOW a haci su observacionnan caba. Ta core a base diario pa controla y sinta wak e puntonan debil. Ta informa e contratista pa e tin tempo pa drech'e. Esey e ingeniero independiente, cu tabata dos siman na Aruba, a haci tambe.



Ministro cu hopi confianza den e programa piloto di Censo 2020



ORANJESTAD (AAN): Recientemente Minister Xiomara Matute a atende un presentacion interesante di Oficina di Estadistica (CBS) en conexion cu e preparacion di e Programa Piloto di Censo 2020 'Pasobra Aruba ta conta cu bo'.

E Programa Piloto lo cuminsa diahuebs dia 3 di october y lo termina diadomingo dia 13 di october. Pa ehecuta esaki, CBS ta recluta y train personanan confiabel y capacita pa por haci e tarea aki. Den e Programa Piloto aki e encuestadornan lo bishita algun hogar selecciona pa CBS pa completa a formulario di Censo 2020. E meta di e Programa Piloto aki ta pa test e procedura di e informacion cu lo worde colecta, ya cu e Censo 2020 lo ta completamente digital.

Gobierno di Pais Aruba tin den su programa gubernamental e programa di Metanan di Desaroyo Sostenibel di Nacionnan Uni (SDG's). Censo 2020 ta un instrumento masha importante durante cual por ricibi informacionnan valioso pa asina por midi na e lista di e metanan cu Nacionnan Uni a establece. Ademá varios instancia y hende individual por haci uso di e informacion colecta den Censo 2020.

Minister Ruiz-Maduro ta desea e expertonan di CBS hopi exito cu e preparacion di e Programa Piloto y ta yama danki na tur e boluntarionan cu lo coopera pa haci e encuesta nacional aki. Alavez e mandatario ta haci un yamada na nos pueblo pa coopera cu e encuestadornan pa asina e programa piloto di Censo 2020 por ta exitoso.

Minister Besaril: Arubahuis ta cla pa ricibi e studiantenan

Grupo di 177 estudiante for di Aruba cu lo ta yegando cu e asina yama vuelo di "beursalen"



ORANJESTAD (AAN)/Den Haag – ‘E preparacionnan pa ricibi e grupo nobo di studiantenan cu ta yega Hulanda e siman aki ta extenso pero bayendo bon. E team di Arubahuis cu ta consisti di empleadonan di Arubahuis, e mentornan y diferente miembronan di e Plaatselijke Opvang-commissie (POC) ta cla pa ricibi nos hobennan na Schiphol.’

Esaki Minister Plenipotenciario Guillfred Besaril a bisa na antesala di e yegada di e grupo di 177 estudiante for di Aruba cu lo ta yegando cu e asina yama vuelo di "beursalen". E aña aki e studiantenan lo yega riba dos vuelo. E prome vuelo ta yega Hulanda diaranzon 31 di juli y e siguiente dia 1 di augustus e di dos grupo di studiantenan lo yega Aruba. Banda di e grupo di estudiante aki tin varios estudiante cu a dicidi di bin Hulanda mas prome pa sea disfruta di un vacacion of pa caba di busca y regla vivienda.

Departamento di Enseñansa di Arubahuis a traha duro e ultimo simannan hunto cu Departamento di Enseñansa di Aruba pa canalisa e yegada di e grupo grandi di estudiante na Madre Patria. ‘Un cambio grandi compara cu aña pasa ta cu e team di mentornan a keda aumenta cu cinco mentor nobo, banda di e tres mentornan existente. Di e manera aki nos a procura pa e guia di nos studiantenan a wordo optimalisa, asina minister Besaril a bisa. E mandatario ta bolbe enfatisa e importancia di un bon preparacion di e studiantenan prome cu nan bin Hulanda. ‘Ta p’esey nos a bai Aruba na Juni ultimo pa informa e studiantenan mas mihor posibel riba kico ta

spera nan una bez cu nan sali for di Aruba. E preparacion aki ta cardinal pa e estudiante por cuminsa su estudio lo mas trankil posibel.’

‘Nos meta como Cas di Aruba ta pa na un manera structural duna guia y informacion na e hobennan cu ta scoge pa bin studia na Hulanda. No unicamente ora cu nan ta cla pa bin studia, pero mas tempran prome cu nan dicidi den ki ramo nan kier bai studia. Escogencia di un estudio ta determinante pa nan futuro profesional. Tambe ta sumamente importante pa bo tene cuenta cu despues di bo estudio, riba e posibilidadnan di trabou na Aruba,’ segun Minister Besaril.

E mandatario a bisa cu un di e retonan cu e estudiante ta enfrente ta pa inscribi nan mes na un gemeente. Minister Besaril: ‘Tin gemeente caminda ta dura 4 pa 6 siman prome cu bo por inscribi bo mes. Si bo no ta inscribi na un gemeente ta dificil pa habri un cuenta di banco y bo no por busca docter di cas of dentista. P’esey nos kier bisa nos hobennan pa mira mas leu cu e ciudadnan conoci pa studia y biba cu ta Amsterdam, Rotterdam, Den Haag y Utrecht. Den otro ciudadnan tin Hogescholen y Universidades cu kisas tambe por brinda e mesun tipo di estudio, mientras cu na hopi di e lugarnan aki ta menos dificil pa haya vivienda y inscribi bo mes. E asunto di inscripcion na gemeente tin nos atencion y nos ta invertiendo den e contacto y relacion cu e diferente gemeentenan pa asina optimalisa e proceso aki pa nos hobennan.’

E topico di vivienda ta un cu tur aña ta bin dilanti. Akinan e mandatario a bisa cu e



estudiante mes tin un responsabilidad grandi. ‘Pa haya un camber of otro tipo di vivienda ta sumamente importante pa inscribi bo mes mas pronto cu ta posibel na un di organisacionnan cu ta ofrece cambernan. Por ehempel na Arnhem y Nijmegen, bo mester inscribi na cuminsamento di october di e aña aki pa bin na remarca pa haya un camber otro aña. Pa e ciudadnan conoci pa studia e situacion di vivienda ta aun mas dificil y bo mester ta un

minimo di dos aña inscribi pa cualifica unabez bo yega Hulanda’ Minister Besaril a sigui elabora.

E mandatario kier a desea e estudiante bon biha for di Aruba pa Hulanda y hopi curashi, perseverancia y exito den nan estudio. ‘Nos ta topa diaranzon y diahuebs na Schiphol y durante di e opvangweek!’ asina Minister Besaril a termina su mensahe na e studiantenan. Potretnan ta cortesia di Cas di Aruba

Analisis

AVP mester pone fin na aventura y eligi un lider nobo!



Democracia ta establece cu e partido AVP na e momentonan aki, ta hunga un papel importante den e escenario politico di Aruba. Si respeta e resultado di eleccion, por mira claramente cu AVP a logra e mayoria di voto y reglanan democratico ta existi pa respeta e decision di pueblo.

Loke un partido of organisacion dicidi, ta depende di e loke a pone acepta como realidad. E aspecto aki a bini dilanti na 2009 ora Mike Eman a bay eleccion cu eliminacion di BBO como su cabay di campaña.

E no a logra su proposito. Su promesa na pueblo na 2009 tabata

cu ta cuminsa baha BBO cu mita y despues di un aña ta elimina BBO.

Rapportnan oficial a adverti e tempo cu loke Mike Eman tabata predica no tabata alcansabel. Sinembargo, el a uza e magia di baha be-

lasting, subi debe cu awe a rementa riba cabes di Aruba.

Pa e nucleo di votadonan fiel di AVP sin duda tabata dificil pa realisa kico a sosode ora nan mester a bolbe vota. Mike Eman y sigur e candidatonan mas yega na su persona, tabata sa cu e situacion di Aruba tabata malisimo na 2014 ora el a bolbe haya bendicion di su partido y di pueblo pa sigui goberna Aruba.

E pais na 2014 ya tabata rumbo pa bancarota y ya mester a tuma medida pisa, cu segun rapport no solamente lo tabata e introduccion di

un belasting manera BBO pa scapa AZV, pero tambe baha cantidad di personal di gobierno y introduci belastingnan nobo.

Mike Eman a opta pa bay yega na un acuerdo cu Nicolas Maduro. Como lider di AVP, cu tabata su trampolin politico pa e por a bira Ministro Presidente atrobe na 2014, el a hinca Aruba den un aventura nobo.

Na Cuba el a bay atende su asunto cu Nicolas Maduro y a introduci finalmente Citgo, e compania Venezolano dirigi directamente pa Nicolas Maduro cu hunto cu otro miembronan di su regimen a hinca e compania den estado di bancarota. Mike Eman y e otro gobernantenan tabata sa cu Nicolas Maduro a hipoteca Citgo ora nan a firma e acuerdo. Nan tabata na haltura di e problema serio cu nan tabata hinca Aruba aden y e situacion mundial peligroso den cual Citgo como baca di lechi di Nicolas Maduro tabata central.

Ta exactamente un aña pasa, ora Nicolas Maduro no kier a bisa e berdad di Citgo y ya e crisis Venezolano tabata rementa, cu nos a bay for di cuminsamento di e proyecto Citgo y guia Aruba te awe cu in-

formacion cu lamentablemente tabata berdad.

Awe e inmensidad di e aventura di Citgo ta explota pa mundo. Citgo no ta ningun opcion pa Aruba.

Pa e partido AVP sin duda e situacion ta crea un sabor amargo. Ta keda sinembargo na AVP pa dicidi kico e ta haci.

Mike Eman a duna prueba cu e no por ta lider. E solo hecho cu e no a haya mayoria den Parlamento tabata motibo pa e no sigui lucha pa Aruba den Parlamento pero pa e laga Shete Mil votado di AVP na caya.

For di eleccion 2017, Mike Eman a bandona e liderazgo di e partido den e organo legislativo di Aruba.

Awe palabra ta na AVP, cu mester dicidi kico e kier. E partido tin cara nobo. Falta dos aña pa eleccion.

Pa Aruba ta dificil pa acepta con Mike Eman a hinca e pais den un situacion desastroso y un crisis severo.

Ta na partido AVP pa lanta para y bolter e situacion pa e partido mes y pa Aruba. Ta na partido AVP pa nombra lider nobo cu capacidad y integridad. Ta na partido AVP pa dicidi riba futuro di e partido na un Aruba cu no kier mas aventura.

Benice Croes ganadora di Aruba Bank su campaña di studiantenan



ORANJESTAD (AAN): Recien Aruba Bank a anuncia ganadora di e campaña “Yes! Student Campaign Online”. E ganando a resulta di ta Benice Croes.

Durante di e periodo di campaña di 17 di Juni 2019 te cu 19 di Juli 2019, tur estudiante di Aruba cu a aplica pa un Cuenta di Estudiante via nan website automaticamente a participa pa gana 3.000 Florin. Alavez a brinda e studiantenan cu tin un Cuenta di Estudiante di Aruba Bank caba, e oportunidad pa participa na e campaña door di referi un amigo of amiga pa habri un cuenta di estudiante online.

Nan ta felicita e ganadora Benice Croes y nos ta recorda tur estudiante cu ainda ta desea di habri un cuenta di via nan website, cu esey ainda ta posible.

Wardacosta a intercepta boto di Curacao cu dos Venezolano ilegal abordo



ORANJESTAD (AAN): Dialuna mainta, e operadornan di Centro di Rescate RCC na Curacao cu ta vigilando radar, a nota un boto cu ta bayendo direccion di Oostpunt na e isla ruman.

Mesora nan a manda ordo, y un speedboat tipo Metal Shark a sali pa bay intercepta e boto.

Ta trata di un yate local cu cuatro persona abordo, di cual dos di nan ta di nacionalidad Venezolano. E dos personanan local a keda deteni pa traficacion di hende. Despues a duna chens pa Cuerpo Policial di Curacao, Aduana, y tambe Warda Costa pa listra e yate, pero a haya nada particular.

Tur persona a wordo entrega na Polis di Curacao.

Director di DIP Haime Croes ta splica:

Pa expansion di tereno y extension erfpacht pendiente por pasa di 5 y 16 Augustus na DIP

ORANJESTAD (AAN)— Haime Croes, director di Departamento di Infraestructura y Planificacion (DIP) a declara cu un aspecto riba cual Minister di Infraestructura, Medio Ambiente y Desaroyo Teritorial, ta stress ta pa duna e personanan cu pa añanan ta pidi nan “fair share”.

Director di DIP a menciona cu ora el a bay analiza a bin constata cu den principio, DIP tin mas of menos 22 producto. Pero DIP tin cu pidi despesa pasobra ningun di e 22 productonan aki ta “up to date”.

Esaki kiermen cu tin peticionnan haci añanan atras cu ni a haci caso di nan y a base di esey, e ta bisa, cu DIP mester cumenza

lora manga y traha pa e personanan cu tin derecho sikiera na haya un contesta, cu nan no a haya.

Aworaki aki nan a drenta den accion y despues di e exito obteni cu e pre-reservacion di tereno, awor ta toca e turno na otro producto di DIP cual ta expansion di tereno (uitbreiding).

Tin hopi hende, segun e por a mira riba un lista, cu pa añanan largo (for di 1999) ta pidiendo un expansion di tereno. E uitbreiding por ta pa e persona traha un garashi, of un camber adicional, of otro. E no ta pidi hopi tereno pero si a pidie pa hopi tempo caba, sin cu e ta hayando esey.

Mirando e situacion aki, sr. Haime Croes ta indica, DIP a tuma accion y cartanan ta

bayendo pa e personanan concerni na unda nan por pasa na DIP entre dia 5 pa 16 di Augustus proximo, pa reinscribi nan peticion y confirma cu nan kier e extension. DIP tin cu wak si nan ta interesa ainda y un bez cu nan paga pa e extension nan lo manda nan midi na Kadaster y den tres pa cuater luna nan por haya e parti di uitbreiding cu nan a pidi for di añanan caba.

ERFPACHT CADUCA:

Otro producto cu DIP ta bay atende di biaha ta e erfpachtnan cu a caduca. Asina sr. Croes a splica. DIP ta carga e berguena cu tin hende cu for di año 1986 ta pidiendo un extension di nan erfpacht cu a caduca y nan a bin ripara cu tin mas



of menos 300 peticion y awor gobierno, como parti di su maneho, kier cumpli cu nan.

Den e fase aki DIP ta puntra si tin mas hende cu no a inscribi, y cu ta pidiendo atrobe aworaki, pa nan pasa libremente tambe di 5 pa 16 di Augustus pa inscribi pa asina tambe por cumenza e proceso pa

nan haya extension di nan erfpacht.

Tambe pa erfpacht comercial cu a caduca, sr. Haime Croes a menciona cu tin mas di 2 mil persona cu desde año 2008 ta pidiendo cierto opcionnan y mirando cu e lista ta largo nan ta pidi tambe pa inscribi entre 15 pa 16 di Augustus proximo.

Despues cu EPB a haci un di dos toets:

A recomenda pa un grupo como di 30 mucha drenta nivel SPO

ORANJESTAD (AAN)— Minister Rudy Lampe, titular di Enseñanza, Ciencia y Desaroyo Sostenible, a encarga cu e conferencia di prensa di gobierno di dialuna, unda e dignatario a clarifica riba e carta tocante maneho di subsidio, cu e ta haya a wordo malinterpreta pa un medio di prensa.

Prome cu el a drenta den e materia aki, el a duna di conoce cu el a haya pregunta di comunidad, tocante inscripcion di un grupo di mas of menos 30 mucha, cu a haci e toets nacional y a bay EPB y eynan nan a haci un di dos toets y e scol a tuma e decision cu pa e grupo aki mihor gobierno busca un alternativa pa nan por sigui cu nan estudio.

Den e deliberacionnan cu e mayornan e mandatario



a pidi tur mayor di e muchanan concerni, pa bay inscribi nan yiu pa nan cupo ta segura, sea na SPO Santa Cruz of SPO Brasil, prome cu dia 12 di Augustus cu scol ta cumenza. El a recomenda e mayornan pa nan corda presenta e papel di censo di cinco florin, pa prueba den cual adres e alumno ta biba pa asina e por haya un lugar den un of otro di e dos scolnan menciona.

E mandatario a agrega cu for di eynan gobierno ta den e fase transitorio di e cambionan cu ta tumando


lugar den scol SPO tocante su curriculum.

Minister Lampe a subraya cu tur mucha tin derecho riba un scol den cual e por desaroya su habilidadnan na e maximo posible. E mandatario a señala cu lo keda monitor pa tur e muchanan aki haya e scol cu nan merece.

E mandatario a pidi e mayornan pa keda tranquil, pasobra tin scol pa nan. Tambe Minister Lampe a comenta cu nunca e muchanan cu caba SPO, a haya un diploma despues di nan tres año di estudio y esaki ta algo cu a bin ta sosode pa añanan largo. Nan ta haya un constancia cu nan a caba e scol, pero esey no ta un diploma oficial. Gobierno ta trahando riba esaki pa otorga na e studiantenan aki nan diploma mereci.

Noordwest di Aruba

Sea Princess a yuda Warda Costa cu rescate di tripulantenan di boto cu a zink



ORANJESTAD (AAN): Diasabra 27 di Juli pa 5:35 pm, e Centro di Rescate di Warda Costa (RCC) a ricibi informacion cu tin un barco di abastecimento, e Miss Debbie, den problema anto cu nan tin mester di ayudo.

Na e momento ey e barco tabata na 215 miya northwest di Aruba y tabata zink. E barco tabata na caminda pa Aruba unda e tripulante lo a bay entrega e barco na su doño nobo.

Mesora a lanza e avion Dash 8 di Warda Costa pa bay localisa e barco cu e tres tripulante cu tabata a bordo. Mientrastanto e Centro di Rescate di Warda Costa a manda un notificacion na tur barco den bisindario pa duna asistencia.

Haruna Express y e barco cruiser Sea Princess, cu tabata na caminda pa Curaçao, tabata den bisindario. Haruna Express no a logra pa rescata e personanan door di laman bruto.

E barco cruiser si a logra di saca un boto salbabida y a busca e tres hende homber cu nan a bin topa den un boto di salbabida ya cu nan barco mes a zink.

Tur tres persona ta di nacionalidad Mericano. Na yegada di Sea Princess na Curaçao a entrega e tres homber na autoridad.

Riba e potretnan por mira imagennan di FLIR Infrared di avion di Warda Costa, ta mustra momento cu e Offshore Supply Ship ta cumenza sink. Tin un potret di archivo di e boto Miss Debbie.

Spectacular clausura di Aruba Symphony Festival



ORANJESTAD (AAN)—Diasabra anochi a tuma lugar e grandioso clausura di e di cinco edicion di “Aruba Symphony Festival”, den Cas di Cultura.

Masha poco a falta pa mira un sala completamente yen. Un publico evidentemente entusiasma a lanta para aplaudi cada presentacion di e Orquesta Sinfonico cu a wordo crea pa e oportunidad aki, cu mas di 80 participante forma, den su mayoria, pa hobennan musico hopi talento di mas di 15 pais rondo mundo, incluyendo Aruba. Un orguyo realmente cu merece di e sosten di henter nos pueblo.

Por a mira e director artistico Simon Gollo entrega su mensa na un manera hopi apasiona cu a yega na e curazon di e presentacionnan causando hopi emocion. Un hoben berdaderamente extraordinario! Ki honor pa Aruba cu el a trece Aruba Symphony Festival & Academy na Aruba, y cu hopi di nos hobennan di scol a haya e oportunidad di ser conoci cu un orquesta, y uno di tal magnitud.

Durante e prome parti e gran Francisco (Pacho) Flores a impresionar e publico cu e instrumento musical poco conoci pero hopi antiguo “corno” y sin duda cu su trompet. El a interpreta varios pieza clasico cu Trompet cu a pone e publico lanta para aplaudi e calurosamente. El a toca un pieza hopi importante cu el a compone pa su mama: “Morocota” cu ta un mone-da antigua di 20 dollar mericano. Brevemente el a conta di esaki.

Den e di dos parti, a interpreta e di Siete Sinfonia di Beethoven, den A Mayor, cu a cautiva e publico na un forma impresionante. E ultimo interpretacion a conta cu e direccion di un virtuoso di fama internacional, cu ta fundador y director di nada menos cu e Orquesta Sinfonico di Boston, ken a hiba palabra destacando e figura di Simon Gollo, y tambe e hobennan musico di gran calibre di cual e orquesta a consisti. Simplemente un honor pa Aruba cu durante cinco aña consecutivo ta sede di e “Aruba Symphony Festival & Academy” formando tambe nos talentonan hoben den musica clasico.

Ta bon pa menciona cu a conta cu presencia di e Gobernador Interino, sra. Lacle y Minister Rudy Lampe, titular di Enseñanza, Ciencia y Desaroyo Sostenible.

Potretan cortesia di Aruba Symphony Festival



Ministro Ruiz-Maduro mustrand cu mayoria di su viahenan tabata pa recupera e credibilidad financiero di Aruba

ORANJESTAD (AAN): Minister Ruiz-Maduro a tuma nota di un comunicacion cu informacion incorrecto tocante di su biahenan cu el a haci den cuadro di su funcion.

E mandatario ta informa cu mayoria biahe ta pa recupera e credibilidad financiero internacional di Aruba. Desde november 2017 cu Minister Ruiz-Maduro a asumi e funcion di Minister, e mandatario a traha un total di 59 dia den exterior; 5 dia na 2017, 30 dia na 2018 y 24 dia na 2019. Aki ta sigui e compilacion y informacion di e biahenan realisa.

Recupera credibilidad financiero y evita lista preto:

Durante e biahenan pa New York, Connecticut, Chicago y Washington, Minister Ruiz-Maduro a reuni cu e companianan di rating Fitch y Standard & Poor's, cu World Bank, cu IMF y a haci un roadshow pa yega na e inversion necesario pa nos Pais.

Ta danki na e biahenan aki e mandatario a logra pa institui e confianza back cerca e institutonan financiero internacional pa cu Pais Aruba. Pa evita cu Aruba figura riba lista preto di Organization for Economic Co-operation and Development (OECD), Minister Ruiz-Maduro mester a biaha cu urgencia pa un dia y mey pa Paris pa atende e reunion di OECD.

Restablece confianza y estrecha laso den Reino:

E mandatario a biaha tambe pa Hulanda y a reuni cu Minister di Cultura, Presidente di CFT, Director di Netherlands Foreign Investment Agency (NFIA) y cu Secretario di Estado Knops. Alavez e dignatario a representa Gobierno na Arubadag. Minister Ruiz-Maduro a biaha pa Curaçao y a reuni cu Minister di Economia, cu Minister di Finanza, cu Fair Trade Authority Curaçao (FTAC) y cu Curaçao Investment & Export Promotion Agency (CINEX). E biahenan aki ta pa crea confianza y estrecha laso den Reino.

Integridad financiero:

Minister Ruiz-Maduro a bishita Miami y a atende e reunion di Caribbean Financial Action Task Force (CFATF). Esaki ta e plataforma di paisnan Caribeense cu ta traha hunto pa combati

labamento di placa y financiamiento di terrorismo. E mandatario a atende e reunion di CFATF en preparacion pa evaluacion di e integridad financiero di Pais Aruba na aña 2020.

Mision Economico y formalizacion di cooperacion paden y pafor di Reino Hulandes:

Riba invitacion di Reino, Minister Ruiz-Maduro a forma parti di e delegacion pa bay Bogota, Colombia pa explora e posibilidadnan pa intensiva comercio entre Aruba y Colombia.

E mandatario a biaha pa Curaçao tambe pa atende e 'Vierlandenoverleg' cu e otro Ministernan di Cultura di Reino pa formalisa cooperacion entre e paisnan riba tereno cultural. E biahe pa Cuba tabata pa den cuadro di Reino Hulandes formalisa e cooperacion entre e paisnan miembro di Caribbean Customs Law Enforcement pa establece intercambio di informacion pa por combati contrabando.

Fondo di Desaroyo:

E dignatario a biaha pa Tahiti pa firma e acuerdo nan cu Overseas Countries and Territories Association (OCT-EU) pa asina Aruba por a haya 13 mion EURO como fondo di desaroyo di Union Europeo pa institui un facultad di SISTEM na Universidad di Aruba cu ta cuminsa opera september proximo.


Representacion di Gobierno di Aruba:

Minister Ruiz-Maduro a biaha pa Curaçao y a atende celebracionnan cultural den representacion di Gobierno di Pais Aruba.


Pueblo no ta paga pa biahe priva:

Na momento cu un mandatario biaha, Secretario di Consejo di Ministernan ta informa Gobernador y Parlamento. Pesey e lista cu oposicion ta compila ta contene biahe di trabao y priva, pero esey no kiermeen cu Pueblo ta paga pa biahe priva di Ministernan. Den aña 2018, Minister Ruiz-Maduro a tuma 17 dia di vacation den exterior riba su mesun gasto. Minister Ruiz-Maduro ta sigui traha duro y diligentemente na bienestar di nos pais. E mandatario lo sigui mantene nos pueblo informa di tur desaroyo di su trabaonan realisa incluyendo su biahenan den medionan di comunicacion y riba medionan social.

BIAHENAN DI MINISTER RUIZ-MADURO, 2017-2018



BIAHENAN DI MINISTER RUIZ-MADURO, 2019



Awe ta Dia Mundial contra trafico di hende:

Un dia pa concientiza riba e victimanan di trafico di hende y nan derechonan

ORANJESTAD (AAN) — Na aña 2010 e Asamblea General di ONU a adopta un plan di accion mundial pa combati e trafico di hende, y a urgi e gobiernonan di henter mundo pa deroca e flagelo aki.

E plan aki tin e meta di integra e lucha contra e trata di hende den e programanan di Nacionnan Uni (ONU) pa e fomento di e desaroyo y refuerzo di e seguridad mundial. Un provision crucial den e plan aki ta e establecimiento di un "Trust Fund" boluntario pa e victimanan di trafico humano, specialmente hende muher y mucha.

Na aña 2013, e Asamblea General a sostene un reunion pa evalua e Plan di Accion Mundial. E Estadonan miembro a adopta un resolucion y a designa dia 30 di Juli, como Dia Mundial contra Trafico di Hende. Den e resolucion ta wordo señala cu e dia aki ta necesario pa concientiza riba e situacion di e victimanan di trafico humano y pa promociona y proteha nan derechonan. Seguidamente, un resumen di e mensahe di Secretario General di ONU pa e fecha di awe.

Mensahe di e Secretario General di ONU: Antonio Gutierrez, Secretario General di

ONU, den su mensahe pa e Dia Mundial di e Trafico di Hende, ta expresa cu esaki ta un delito atroz cu ta afecta tur region di mundo.

Gutierrez ta menciona cu aproximadamente 72% di e victimanan detecta ta hende muher entre adulto y mucha y e porcentahe di mucha homber a duplica hopi entre 2004 pa 2016, segun e Oficina di ONU contra Droga y Delito.

Mayoria di e victimanan ta obheto di trata cu finnan di explotacion sexual, pero tambe nan ta wordo uza pa haci trabao forzoso, wordo recluta como soldat, entre otro formanan di explotacion y abuso.

E traficantenan di hende y e gruponan terrorista ta probecha di personanan vulnerable, sea pa motibonan di pobreza, of cu ta atrapa den guerra, of cu ta sufrir di discriminacion.

E Secretario General di ONU ta recorda e prome victima di trafico di hende, Nadia Murad, cu a ricibi cu husticia e Premio Nobel di Paz na 2018 door di a genera e accion internacional pa stop cu trata di hende y violencia sexual den conflictonan.

Manchanan riba bo nek? Kico esey ta?

Si bo a ripara cu bo nek a bira scur sin un causa aparente, por ta trata di varios factor cu bo mester tene na cuenta.

Segun publicacion di Universidad Nacional Autonomo di Mexico (UNAM) atraves di Facultad di Medicina; acantosis nigricans ta un dermatosis cu ta caracteriza pa manchanan verugoso cu hiperqueratosis, papiomatosis y hiperpigmentacion, cu ta duna un aparencia scur y diki di cuero; specialmente den areanan cu ta flexible.



Areanan di curpa na cu esaki ta presenta principalmente ta:

1. Cocodek
2. Cuello
3. Nokel
4. Frenta

Na kico e ta relaciona?

Segun expertonan esaki ta debi na:

1. Resistencia na insulina. Cu aumento di concentracion di insulina, ta aumenta proliferacion celular di fibroblastos, melanocitos y queratinocitos dermicos; celnan cu ta duna color y textura di cuero.
2. Herencia y obesidad. Den famia, welo of mayornan cu tin e característica di pigmentacion. Ta agrega tambe como un factor pre-disponente na obesidad.
3. Malesanan endocrina. Cu mas frecuencia di diabetes mellitus cu ta existi nivelnan halto di glucosa den sanger. Otronan tambe ta malesanan relaciona cu glandula tiroides.
4. Uso prolonga di remedinan, entre nan uso di hormona di crecimiento, anticonceptivo of cortisona.

**Mancha scur cu ta mustra "sushi"?*

Acantosis nigricans ta mas comun den hende hoben y especialmente den poblacion cu nivelnan halto di diabetes mellitus y obesidad. Den caso di hobennan, mayornan por bisa e muchanan pa nan tin mas higiene den e areanan; sin embargo acantosis nigricans no ta relaciona cu habitonan di higiene.

Ta existi 4 tipo di acantosis nigricans; esun mas frecuente actualmente ta e forma benigno cu ta asocia cu obesidad y alteracion endocrinologico manera hiperinsulinismo. E tipo maligno ta vincula cu malesanan manera cancer gastrico.

E tratamiento principal ta cambio di habito: un alimentacion ekilibra y haci ehercicionan.

Si bo a ripara e manchanan scur den bo cuero, nos ta recomenda haci un cita cu un endocrinologo y dermatologo pa un diagnostico specifico. Cuida bo salud!

RECETA



Salmon den sausk di honing y mosterd horna den foil

Ingredientenan:

- 1 sausk di honing y mosterd
- 2 liber di salmon, sin weso y cuero
- 1 tbsp parsley fresco
- Sauk di honing mosterd:**
- 1/3 copi di mosterd di bo gusto (preferible djon)
- 1/4 copi honing
- 4 pida conoflok, pela y machica
- 2 tbsp juice di lamunchi fresco
- 1/4 tsp smoked paprika
- 1/4 tsp salo
- 1/8 tsp black pepper

Preparacion:

Cende e forno na 375°F. Of si bo kier bo por grill e salmon den candela mediano. Prepara e sausk. Den un baki pa horna, pone un pida foil cu bo cubri esaki completamente. Spuit azeta pa cushina, of basha un tiki olive oil, y pone e pisca meimei di e foil. Basha e sausk di honing riba e salmon y cubri e pisca cu e sausk. Cubri e salmon cu e foil y cera esaki bon. Horna esaki pa 15-20 min. Disfruta!



**The Eighth
Continent, INC.**
Import & Export



Arendstraat 103 Oranjestad Aruba P.O. Box 440, Aruba
Tel: (297) 582-1304, Fax: (297) 583-5083
Website: www.tecaruba.com

Wak demasiado television ta malo pa salud fisico

Hende cu ta pasa mas tempo dilanti di television tabatin mas probabilidad di ta inactivo, cu sobrepeso, humador, poco saludable y tin un entrada familiar anual di menos di 50.000 dolar, segun un grupo di investigador den un articulo publica den Journal of American Heart Association. Y traha den un oficina henter dia por ta menos malo pa salud di curazon y longevidad manera ta sinta horanan largo dilanti di television.

“Nos a scucha cada biaha con pasa demasiao tempo sinta ta ekivalente nobo na habito di huma, y tin pruebanan cu ta sugeri cu ta existi varios riesgo adverso pa salud asocia cu tempo sedentario prolonga”, segun Jeanette Garcia, investigador di Universidad Central di Florida

na Orlando, kende a lidera e investigacion.

Casi un di tres parti di e 3.592 adulto color scur den e estudio ta wak television durante mas di cuatro hora pa dia. Un poco mas di 1/3 di nan ta pasa di dos pa cuatro hora diario sinta dilanti di television, mientras cu 1/3 ta wak television durante menos di dos hora pa dia.

Investigadornan a sigui participantenan durante un promedio di 8,4 año. Durante e estudio, 205 persona a muri y 129 a haya atacanan di curazon of accidente cerebrovascular.

Den comparacion cu personanan cu ta wak menos di dos hora di television pa dia, e personanan cu tabata pasa mas di cuatro hora dilanti di televi-



sion tabatin un 49 por ciento mas di probabilidad di muri of haya un otro ataca. Ta posible cu sinta dilanti di television ta peor cu sinta dilanti di un lesenaar pasobra hende ta come algo mientras nan ta wak television, of ta lanta hopi laat y no ta drumi lo suficiente, segun Lin Yang, investigador di Universidad di Calgary, na Canada, cu no a participa den e estudio.

Manera nan pa cushina y con nan ta afecta e cuminda

Cushina cuminda ta mehora digestion y aumenta absorcion di hopi nutriente y un ehempel ta cu webo herbi ta 180% mas mihor pa digestion cu webo curu pero ta importante pa sa cu cierto metodonan of maneranan pa cushina por causa perdida di cierto nutrientenan crucial. E sigiente nutrientenan hopi biaha ta bay perdi durante manera nan tradicional di cushina:

-Vitamina A, B, C, D, E, K

-Mineralnan Potasio, Magnesio, Calcio

HERBE

Nos por yam'e e tecnica di subi e temperatura (kenta) awa no mag di pasa 212 grado F of 100 grado C.

Vitamina C hopi biaha ta bay perdi ora di herbe pues por ehempel NO herbe berdura (broccoli)

BROILING

Esaki ta cushina cu dry heat y aki casi 40% di nutriente por bay perdi aki vooral vitamina B y fuera cu tambe algun substancia cu ta wordo crea door broil

cu ta canceroso.

MICROWAVE

Contrario na loke hopi ta kere, microwave ta basta safe pa uza y algun estudio a mostra cu por ehempel microwave ta e miho manera pa retene antioxidantenan den conoflok y mushroom. Mas of menos 20 pa 30% di vitamina C, ta bay perdi pa loke ta berdura den microwave cu ta hopi menos cu otro manera nan di cushina.

BAKING

Cushina den oven tambe ta un di e metodonan mas safe y mihor aunke pa via di e tempo cu e ta tuma pa e cuminda cushina, cumindanan cu ta contene vitamina B, ta perde casi 40%.

STIR FRY

Usando kisas un bon zeta, e metodo aki ta ser considerado uno basta bon debi cu e tempo cu e cuminda ta ser cushina, ta cortico y no ta uza awa.

HASA

Hasa cuminda ta dune un dushi sabor y hasando den un bon zeta, ta pasa e test

pero evita hasa salmon of tuna..pues cumindanan cu ta contene hopi Omega .

STEAM

Sin duda un di e mihor maneranan pa cushina. Aki un porcentahe halto di e nutrientenan ta keda preserva.



Bebe hopi coffie por reduci tamaño di bo pechonan



Bo ta fanatico di coffie y bo ta bebe mas di tres copi pa dia? Cuidao, pasobra bo por ripara cu bo mester di otro size di bh...

Investigadornan di Universidad di Lund, Suecia, a descubri un relacion entre consumo excesivo di coffie y reduccion di tamaño di pecho, debi cu e prome por altera un gen cu ta disminui nan hasta cu un 17%.

Sin embargo, científiconan tambe a haya cu algun di su substancianan manera cafeina, hidroxil hidroquinona y kahweol, ta disminui probabilidad di sufrir di cancer di pecho, pasobra esaki ta yuda para desaroyo di celnan canceroso.

Ademas, cafeina ta contribui na regulacion di nivelnan di estrógeno, hormonanan sexual, cu concentracion halto por bira un factor di riesgo di e tipo di cancer.

Pa loke ta trata coffie, e ideal ta aplica e frase: “Nada cu exceso, tur cos den medida”...



RESULTADO DI SORTEONAN PA CORTESIA DI CADENA ALEXANDER

Dialuna 29 juli 2019

DIARIO	KORSOU	SUPER 4	CAT&CHI	ZODIAC
4065 2681 4159	6416 8474 3970	7974 FLAMINGO 4052-9992-8762	MERDIA 5155 8625 6782	ANOCHI 6600 4662 7806
LOTTO DI DIA 05-06-07-10-23		OFF 8176-2559	BIG 4 M 2093 A 2612	6397 GEMINI 9432 PISCIS

Trabao pa City Inspector

Autonan para ariba acera y sin plachi number



ORANJESTAD (AAN): Habitantenan di Oranjestad ta pidi pa City inspector haci algo pa cu e mahos bista aki.

Autonan den bieu of den mal estado para ariba acera sin plachi number ta creando un mahos bista den e centro di Oranjestad.

INFORMACION PA PUBLICACION

REMITIDO

E exigencianan di DIARIO pa publicacion di cualkier remitido ta cu esaki **mester** bin den forma electronico (sea via FB Messenger, E-mail, USB Drive, CD-ROM, DVD-ROM), incluyendo number, adres, telefon, y firma di e remitente. Mester presenta cu un cedula of ID valido pa verifica e number y adres. DIARIO lo saca fotocopia di bo cedula of rijbewijs. Bo mester enfatiza di antemano, si acaso bo no kier pa bo number worde menciona como remitente!

(Atencion: Ora cu bo no kier pone bo number bao di un remitido, anto automaticamente den e texto bo **NO POR** menciona number di hende of entidad).

Remitidonan manda via E-Mail mester tin number completo di e remitente, tambe su adres, telefon y firma pa asina e worde verifica prome cu publicacion.

Textonan por ser edita segun espacio, y gramatica tambe lo ser drecha. **No tin garantia** cu e Remitido lo sali mesora den e proximo edicion! Tuma bon nota cu e Remitidonan lo ser publica segun espacio disponible den e edicion.

CUMPLEAÑOS

Pa publicacion di felicitacion pa cumpleaños di 1 aña bay ariba, NO ta acepta foto traha via di fotocopia, tampoco caricatura, ni pa animal. Manda foto na 'noticia@diario.aw'

Contents ©2019 Matutino DIARIO

COPYRIGHT: Nada den DIARIO mag di worde copia sin permiso di Agencia Arubano di Noticia.

ALMANAC




**Bahada
y salida
di solo
na Aruba**

—30 Juli 2019

Solo ta baha: 7:07 p.m.

—31 Juli 2019

Solo ta sali: 6:26 a.m.



**Lista di
Crusero
di bishita
na Aruba**

—Diamars 30 Juli 2019:

Disney Fantasy:

(08:00 - 18:00)

Freedom of the Seas:

(08:00 - 21:00)

—Diarazon 31 Juli 2019:

Pullmantur Monarch:

(06:30 - 15:30)

Freewinds:

EMERGENCIA NA ARUBA

Diamars 30 Juli 2019

DOCTER NA WARD

SAN NICOLAS:

Dr. Veringa

Servicio nocturno di
Docter ta conta di 7'or di
anochi te 7'or di mainta.

ORANJESTAD:

Pa Oranjestad, Docter lo ta
na Huisartsenpost na
Hospital. Docter tey di
6:30 pm te cu 10:30 pm.

BOTICA NA WARD

PARIBA DI BRUG:

Botica 4 Centro Medico

Bernhardstraat 55

Telefon 584-5794

Telefon: 584-5798

PABAO DI BRUG:

Botica Eagle

Caya Punta Brabo 17

Telefon 587-9011

e-CONTACT DIARIO

E-mail Redaccion:

noticia@diario.aw

E-mail Avisos:

aviso@diario.aw

E-mail Deporte:

deporte@diario.aw

E-mail Asunto Funeral:

morto@diario.aw

DIARIO

Loke Tempo ta Mostra....



•• E Ola Tropical cu ta hopi panort di Aruba, a debilita biento bastante y esaki na su turno ta causa un calor notable. Kizas te awe Diamars atardi biento lo bira bek un tiki fuerte.

•• Biento ta di pariba entre 12 y 30 km/h. Tin biaha rafaga entre 31 y 39 km/h. Lama cu olanan di 2 te 4 pia.



PRIJS: 1,75 Florin ehemplar
ABONO: 38 Florin pa luna

EDITOR

Agencia Arubano
di Noticia

FUNDADOR

† Jossy M. Mansur

DIRECTORNAN

Jossy E. Mansur

Eduardo Mansur

Luis M. Mansur

Damilice Mansur

HEFE DI REDACCION

Jossy E. Mansur

REDACTOR Coordinativo

Aureen Werleman

Marianellys Berry (asst.)

REDACTOR Ehecutivo

Nilton Laclé

Yorleny Oduber-Quesada

Tania Cunha

REDACTOR

Mercedes Abdul-Hamid

Django Simoons

Giovanni Lane

REPORTERO

Hubert Tiel

AVISOS Y ARTE

Franklin Peña (hefe)

Susy Maduro (Project Manager)

Miguel Garcia

Glenn Gonzaga

Robert Simoons

ADMINISTRACION

Miriam Alders (hefe)

Freddy Barreto (hefe di personal)

Irene Croes

Susette Croes

Astrid Petrochi

Jeandella Croes

RECEPCIONISTA

Vivian Maduro

LAYOUT

Alex Croes

Silvestre Quimper

Ricardo Jimenez

IMPRESION

Carlos Montañez (hefe)

William Quiceno

Raul Valencia

ADRES

DIARIO N.V.

Engelandstraat 29, Aruba.

P.O. Box 577, P.O. Box 695

Telefon: +(297) 582-6747



DIARIO is Printed
on 100% Recycled Paper

Ronny Maduro di DIP:

Por re-inscribi pa tereno comercial haci for di 2008 te actualmente, entre 5 y 16 di Augustus

RANJESTAD (AAN) – Ronny Maduro, funcionario di Departamento di Infraestructura y Planificacion (DIP), ta informa cu nan ta bay haci un inventarizacion riba e peticionnan cu tin pa tereno comercial, y saliendo for di punto di bista di ROP ki destinacion tin pa cierto zona, y cual no. Mirando cu tin datonan cu ta cambia, manera nan a experiencia durante e ultimo aña y mey, sea di adres of cu e persona no ta activo mas comercialmente, DIP kier facilita e proceso, y tambe pa clean up nan archivo.

Ademas pa haci esaki transparente pa tur hende cu a haci peticion di 2008 bin dilanti. A tuma e aña 2008 pasobra e aña aki a tuma lugar un re-inscripcion pa esnan cu a inscribi e tempo aki y hasta esnan prome, tambe por bin na remarca.

Desde Februari 2008 te actualmente, tur esnan cu a haci peticion di tereno comercial, por haci uso di e oportunidad pa re-inscribi si nan ta interesa ainda.

Tambe den e lapso di 5 pa 16 di augustus, nan por bin inscribi na bali of hacie via website di

DIP. E interesadonan ta haya un formulario di informacion di e rekisitonan precis, e pasonan cu tin cu tuma pa cumpli cu e rekisitonan. Den e caso di tereno comercial tin un email specifico cu ta obtenible riba e website di DIP.

Ronny Maduro a agrega cu si acaso tin cambio di number di telefon of di adres mester trece un prueba manera e personal number, cual ta hopi importante den e proceso di e acuerdonan cu ta bin den futuro. E cumplimiento di pago ta hopi importante y tambe ta posible pa hacie online.

PHP 'Tienda di Ley' ta informa:

Dunamento di fam na bo yiu

Den buki 1 titulo 2 di nos codigo civil tin diferente leynan tocante 'namenrecht'. 'Namenrecht' ta e derecho cu ta regla e dunamento di un fam na un yiu. E articulo informativo aki lo limita su mes na e dunamento di fam na e mucha net despues di su nacimiento. Adicional lo pone enfasis tambe riba e derecho cu un tata tin pa duna su yiu su fam den e caso cu e tata no ta den un enlace matrimonial cu e mama. Por ultimo lo pone enfasis riba e aspecto discriminatorio cu e ley actual tin.

Nos leynan actual ta duna preferencia na e tata. Pa e tata por duna su yiu su fam e lo mester tin un laso familiar huridico cu su yiu. Esaki ta nifica cu e lo mester reconoce su yiu prome cu e por duna su fam. Articulo 1:5 inciso 1 BWA ta duna e regla principal. Segun e articulo aki e fam di e mucha ta bira esun di e tata (ora di reconoce), si esaki no ta e caso e mucha lo haya e fam di e mama. Esaki ta implica un yiu cu no wordo reconoci lo carga automaticamente e fam di

e mama.

Si e tata cu e mama no ta casa y e mama no ta duna e tata e permiso pa reconoce su yiu, pasobra e no kier pa e mucha carga e fam di e tata, esaki toch por bira posibel a base di articulo 1:204 inciso 3 BWA. E articulo aki ta stipula e 'vervangende toestemming' cu e tata por hasi uso di dje. Esaki kiermen cu e permiso di e mama, cu ta necesario pa e tata reconose su yiu, lo por wordo reemplaza door di e permiso di un hues. Cu e condicion cu e mucha no a yega e edad di 16 aña ainda.

Remarcabel ta e hecho cu segun hurisprudencia e stipulacion cu e yiu lo carga fam di su tata despues di reconocimiento ta uno discriminatorio. Door di esaki e mama no ta haya e opcion pa duna su yiu su fam y esaki lo ta sin suficiente hustificacion. E forma di discriminacion contra di e ser femenino aki lo ta empugna cu articulo I.1 di nos constitucion. Adicionalmente a pone enfasis cu e mesun articulo aki (art. 1:5 inciso 1 BWA) lo



ta conflictivo cu tres diferente tratado cual Aruba ta forma parti di dje ; Tratado Europeo di derechonan humano (EVRM), Tratado Internacional di derechonan civil y politico (IVB-PR) y Tratado contra di discriminacion di hende muher. Corte Europeo den caso 'Cusan & Fazzo' a determina den pasado cu e ta discriminatorio ora cu ley ta determina sin mas cu e yiu lo haya fam di e tata.

E liña cora den e topico aki ta cu e 'namenrecht' den codigo civil Arubano actual ta uno discriminatorio contra di e ser femenino. Articulo I.1 di e Staatsregeling di Aru-

ba mes ta prohibi esaki. Mester enfatisa cu e 'namenrecht' den nos BWA ta den proceso pa wordo mehora y ta duna e mama tambe e oportunidad pa e yiu por carga su fam. Cu e articulo aki Tienda di Ley kier pa cada mama y tata ta informa tocante e dunamento di un fam na un yiu. Nos a elabora riba e derecho di e tata pa reconoce su yiu y pa duna su yiu su fam. Den un escenario cu e mama no ta desea di duna e permiso pa hasi esaki e tata por pidi pa un aprobacion di hues pa substitui e permiso di e mama. Tambe nos a elabora riba e derecho di e mama pa su yiu carga su fam aunke ley

ta dicta otro.

Tienda di Ley ta spera di por a informa ciudadanonan na un forma satisfactorio. Den liñanan grandi nos a trese e topico aki pa dilanti. Si acaso bo tin pregunta of duda, semper bo por aserca un abogado of hurista pa mas splicacion den detayes. E ta posibel tambe pa acudi tur diasabra di 3 pm -5 pm na cas di partido AVP na playa. Pa nos colaboradornan y huristanan den formacion e ta un placer di por atende e publico cu ta asistiendo tur diasabra.

Autornan:**Jessica Burgos & Gerick Croes (studentenan di ley)**

Minister Rudy Lampe ta splica di kico e problema di oranan extra ta consisti



ORANJESTAD (AAN)—Den conferencia di prensa, Minister Rudy Lampe, titular di Enseñanza, Ciencia y Desaroyo Sostenible, a splica di kico ta consisti e problema di oranan extra, pa loke ta trata docentenan di scolnan secundario (por ehemplo Colegio), y institutonan manera IPA y Colegio EPI.

E dignatario a splica cu un docente cu ta traha tempo completo ta traha entre 27 y 32 ora incluyendo e “lesuur” y “taakuur”, locual ta suma 40 ora di trabao pa siman.

El a splica cu lesuur ta inclui e ora di les, preparacion y evaluacion di e les, y pesey e ta mas cu un “klokuur” mientras cu un taakuur (ora di tarea) ta tuma 75 minuut.

Minister Lampe a declara cu pa hopi tempo caba ta existi un regla cu no ta por escrito, entre e Departamento di Enseñanza y e directivanan di scol, cu ora tin scarcedad di maestro pa cierto materia (por ehemplo wiskunde) un docente por haya extra ora

riba su 32 oranan di les te un maximo di 40 ora. Den e ultimo añanan e regla aki a wordo poni riba papel y e maximo ta 36 ora. Gobierno tambe ta mantene e posibilidad aki ora tin scarcedad di docente pa un materia e por haya permiso pa 4 extra ora,

y den caso hopi excepcional cu ta wordo bon hustifica, e por haya 8 extra ora. Pero for di e aña escolar nobo 2019-2020 esaki no ta wordo permiti mas.

E dignatario a splica cu un docente cu ta traha mas cu 40 ora lo mester traha di Dialuna te Diadomingo sin dia di descanso, y esaki por afecta su salud locual por

conduci na AO, y esaki na un circulo vicioso peor cu e scarcedad di maestro mes. Pesey, minister Lampe a subraya, no tin cambio den e maneho di overuuren custombra pero solamente lo coregi e exceso di overuuren.

Otro aspecto cu e mandatario ta coregi ta cu gobierno ta subsidia salario di e directivanan di scol a base di un promedio di 28 alumno pa klas. Esaki no ta algo nobo, pa ley un klas di scol basico por bay te 30 alumno y pa scolnan secundario esaki ta 28 alumno, y den esaki no tin cambio. No ta berdad cu e klasnan ta bay bira mas grandi cu 30 alumno pa klas. Mas bien ta keda existi klasnan mas chikito den e sistema regular di educacion.

E maneho nobo no ta kita e posibilidad cu un maestro por duna les anochi na un otro centro educativo (manera EPE) pero solamente cu esey no ta conta como extra ora sino como oranan los, despues di cumpli cu e tempo completo di trabao full time. E docente ta liber pa dicidi con e ta organiza su tempo liber y por scoge pa duna les na otro instancia den su tempo liber.

Minister Lampe a agrega cu e maneho nobo ta stimula e docente pa bay bek na su “core business” pues duna les. El a splica cu si na e momentonan aki un docente tin por ehemplo 20 lesuur y 12 taakuur y ta forma un VB (volledige betrekking) lo reduci su taakuur na cuater y e lo tin 28 lesuur.

“Placa di pueblo ta sagrado y uso di placa di pueblo mester ta eficiente y efectivo. Y semper Ministerio di Enseñanza ta habri pa papia cu e sindicatonan pa yega na un manera sostenible pa e pueblo cu ta paga y cu ta den cuadro di e ley di presupuesto”, Minister Rudy Lampe a conclui.

BUSCA PALABRA

COMANDO

Z S R G N T E C N O L O G I A U N X C P
C U R E B O F U D G B A E A J M C W O W
D M K O C S I G O B V I G I B H O L M Y
F A Z L Q I Q T I U Y X G K A F I C U B
Y M T D W U E S A W F E V I V C R C N D
J E N M O F M N H D S I R L I A E H I W
S N H I J O E U T X N P N A I U T K C C
W T O D N A M O C E E U L A B T S F A Z
R E Q B Q H O N Y R E M Q O R N J I U C O
Y T I L A T I P S O H E N F S C N G I L
P E Q L G N C O Z I I O N R G Q I H O I
C X J S C T N R O Q I G A T C L M E N O
D A H R Z E Y R I C D H E O E P W V R S
C O G Y C P G Z I G Q C A V G G R Q T O
G M X Z U L O S P D S W P W W Z V N A F
D A R C K W I H Y D Y L S E D I X L V Z
Y K Z N O K J A W P H M H D N J X Q I L
N L B W D R S Z D D G G C D U B M O R C
P W K A I X I W S P T K V P I K V K N F
P Z O W I V A Q Z L O G S W A Z I Q V L

ADKISICION
COMANDO
FINANCIERO
HOSPITALITY
POLICIAL
SUMAMENTE

CHAIRPERSON
COMUNICACION
FOUNDATION
MINISTERIO
RECIENTEMENTE
TECNOLOGIA

Sudoku

Conceptis Sudoku

By Dave Green

				4				
9		3			2	6		1
		8		1	5	9		
	5	9						
4		1		2		8		3
						7	9	
		2	6	8		5		
6		7	1			2		4
				9				

Difficulty Level ★★

7/30

Resultado edicion anterior

9	8	4	5	6	1	7	2	3
6	2	1	8	7	3	9	5	4
7	5	3	2	9	4	1	8	6
4	7	5	6	2	9	3	1	8
1	6	2	4	3	8	5	7	9
8	3	9	7	1	5	6	4	2
3	4	8	9	5	7	2	6	1
5	9	6	1	8	2	4	3	7
2	1	7	3	4	6	8	9	5

Difficulty Level ★

7/29

Dicho di dia;

**Cam8indatinpaztin
felicidad.**

Nificacion:

**Hende cu biba den
paz cu otro ta biba
feliz.**



Skina di Ruthy



Bon dia yen di alegria!

Skirbi pa Ruthy "Lady Ruth" Vrieswijk-Bergen

Ta hopi ta e turistanan cu ta bishitando nos dushi isla cada anja y tin cu te hasta ta bin dos, tres of hasta mas biaha pa anja. Tempo cu Lady Ruth tawata traha den Activities Dept. di Aruba Beach Club y Casa del Mar, ambos bau di un capa e tempo ey, nos a hasi conosi cu varios turista y te e dia di awe, nos ta amiga di otro. Ora nan bin Aruba, nos ta bishita nan na nan hotel of nan ta bin bishita nos na cas. Un otro pareha di Connecticut tambe ta den contacto cu nos ketobay, aunke nos ya no ta traha na hotel ya pa anjas ! Nos a keda bon amigo cu nan tambe. Tur ta impresiona cu Aruba, su clima, su naturaleza y su dushi hendenan. Basta anja pasa, Lady Ruth a hasi conosi tambe cu un caballero, un docter cu a trata hopi patient cu cancer. E docter caballero aki a



cuminsa bin nos isla 52 anja pasa y a bin fielmente tur anja , dos of mas ves pa anja. Ela cumpra un pida terreno y a laga construi un cas bandi lama y asina a sigui bin Aruba tur anja, dos, tres of mas ves pa anja. Despues ela bin cu su famia, su casa y su dos yui hombernan. Awe, den 2019, den e luna di Juli aki, el a wordo honra pa Aruba Tourism Authority ATA cu un pin, un certificado y algun bunita regalonan mas. Su 52 anjanan di bishita fiel a inspira su yuinan y awe tambe su nietonan pa sigui bishita nan di dos cas Aruba, nan "home away from home". Su bisinjanan Rodney y Eileen Croes a organisa un bunita sorpresa un mainta pa e caballero aki, Dr. Ernest Greenberg, kende ta stima Aruba cu henter su curason. Nos bon amigo Ernest a cuminsa pinta pinturanan y cuadranan bunita di nos laman, nos solo bahando y hopi mas di nos bunita naturalesa. Ernest a cuminsa skirbi poemanan bunita y hasta bukinan encuanto con ela cuminsa pinta. E ta challenge su

mes den su pintamentonan y gusta purba cosnan nobo tambe. E ta gusta cana canti beach y admira e bunita bahadanan di solo. Dr. Ernest Greenberg tawata conose mi casa Johan, prome cu a hasi conosi cu mi. Mi casa Johan y Dr. Ike Posner di Aruba ta bon amigo di su yui hombernan Paul y Marc foi tempo nan tawata studia afor den exterior y Johan y Ike tawata keda drumi serca nan, ora nan tawata riba caminda pa bin bek Aruba pa vakantie. Su cas na Merca tawata yen di mas alegria ! E biaha aki a celebra bida cu ne !

Ki dushi tawata e sorpresa pa amigo Ernest ! Un grupo intimo di famianan arubiano cu ta bon amigo di famia Greenberg a bini hunto y a recorda hopi di e dushi temponan hunto. Pero, bo sa kiko ta mas impresionante ainda ? E gentil caballero Ernest Greenberg aki a caba di cumpli su di 90

anjanan di bida y still going strong ! Nos a canta happy birthday e mainta ey pa Dr. Greenberg y nos a brinda cu dushi coi come y bebe, saca potret y combersa na smak. Bunita tawata e palabranan di Darline de Cuba, e representante di Aruba Tourism Authority den presencia tambe di Jonnie Tilma di ATA . Entre Ernest su bon amigonan tawata tei presente : Raymond Croes, Rodney y Eileen Croes, Milagros Posner, Ruthy y Johan Vrieswijk, un otro bisinja Madu y varios di nos dushi hendenan mas. Ernest Greenberg cu 90 anja di bida y biniendo Aruba pa 52 anja no ta coi kens shonnan ! Ta algo masha masha bunita mes! El a gusta e poema cu Lady Ruth a skirbi special pa e ocasionnan bunita aki. Happy and blessed 90th Birthday dear amigo Ernest ! And thank you and your beautiful family for choosing Aruba as your vacation island, your inspirational island, your home away from home, where you relax, have fun, and express yourself in your beautiful paintings and poems ! May the good Lord keep on blessing you! We love you!

May you be inspired more and more with every sunrise and every sunset!

Thank you amigo Ernest, for being such a beautiful friend, a beautiful human being.

Danki na tur nos dushi hendenan cu ta trata nos turistanan cu asina hopi amor y cariño!



Camara a capt'e Joyce deteni pa ladroncia den supermercado

ORANJESTAD (AAN): Polis di e resort Lely Dorp siman pasa a detene e muher Joyce S di 48 aña pa algun caso di ladroncia den tienda.

E ta wordo sospecha cu diaranzon 3 Juli, diahuebs 4 di Juli y diabierna 5 di Juli a horta articulonan den un supermercado den Sumaweg.

E sospechoso a hasi esaki como un custumber pa horta boter grandi di Honey, bleki batata chips, bleki grandi di lechi di puru, caha na di pasta di diente.

Diahuebs 4 Juli e supermercado ta sera esun encarga pa revisa grabacion capta nan a wak con e tal Joyce ta comete ladroncia.

Diabierna 5 Juli atrobe Joyce a drenta den e supermercado pa horta pero sin sa di ta wordo vigila. El a pasa man pa boter di honey, un bleki batata chips for di reki y a hinca e produccionan den su tas. Pero ora cu Joyce kier a bandona el a wordo para y e doño y a confronte cu e hechonan cu el a caba di comete y mester a saca a articulonnan horta for di su tas y entrega esaki bek.

Ademas Joyce a wordo confronta tambe cu e hecho cu ta mas biaha el a tira para horta den e supermarket y tur ta graba.


Joyce a wordo notifica cu tur locual el a horta den e supermercado e mester paga esaki. Pero Joyce a lanta contra e doño y na dado momento el a core sali bay na careda bandona asina e supermercado.

Doño di e supermarket a entrega denuncia oficial na polisnan di Lely Dorp.

Diahuebs 23 Juli Joyce a wordo deteni pa ladroncia y el a admiti di a comete e actonan castigable. El a bisa di ta biba hunto cu su mama y mas tres mucha menor di edad y ta su persona ta e unico cu ta traha pa mantene e famia.

Deporte Local

Embahador Hulandes a ricibi e delegacion di Aruba na su residencia na Lima



Reunion Informativo na Bubali Sport Club pa e parti Infraestructura



ORANJESTAD (AAN): Pa medio di esaki kier a informa bario di Bubali, distrito di Noord y tur persona cu ta sinti algo pa Sport Vereniging Bubali miembro y no miembro, Mayornan y nan yuinan, Fanaticonan por participa na e reunion informativo aki cual lo tuma lu-

gar diaranzon 31 Juli 2019, Reunion lo start 7:00pm. Intencion di e reunion aki ta cu Directiva ta keda transparente y ta bay duna suficiente informacion na persona nan presente y muestra nan di ki direccion kier hiba Bubali e parti infraestructura. Personanan presente tam-

be por duna nan ideanan of conseho p'asina hunto cana bay dilanti cu stap nan firme pa e organizacion Bubali.

Por ultimo ta motiva tur e miembronan pa bin cu boso famia na e reunion di diaranzon awor.



ORANJESTAD (AAN): Embahador Hulandes na Peru, Sr. Wiebe de Boer a ricibi e delegacion di Aruba na su residencia na Lima.

Diaranzon anochi, na residencia di e Embahada Hulandes na Lima, Peru, embahador Sr. Wiebe de Boer den presencia di sucesor Arjen Kool a ricibi e delegacion participando na e Weganan Panamericano LIMA 2019.

Den su speech cortico, Sr. de Boer a expresa si ta

masha contento cu e por a ricibi e delegacion di Aruba na su cas, algo sigur hopi special mirando e lasonan di Reino. Na mes momento su persona a desea nos delegacion hopi exito y cu ohala nos por logra triunfa cu un medaya pa Aruba.

Presidente di COA, Sr. Roy Mezas tambe a dirigi su mes na esnan presente unda e la gradici embahador de Boer pa e caluroso recepcion na su residencia aki na Lima, Peru. E delegacion ta sinti nan mes sigur honra den un momento asina special. Nos atletanan lo haci nos maximo esfuerzo pa representa Reino den forma digno na e Weganan Panamericano aki na Lima, Peru

Por ultimo, secretario general di COA, Sra. Nicole Hoevertsz a haci entrega di algun regalito di Aruba Aloe na Embahador de Boer, Sra. Judith de Ruiter y Gerwin Woudt. Tambe Sra. Hoevertsz a duna un splicacion cortico riba e desaroyo di e Weganan Panamericano LIMA 2019.

Deporte Local

Delegacion di Aruba a haya un caluroso bon bini na e Weganan Pan Americano Lima 2019



ORANJESTAD (AAN): Diaranzon mainta, e delegacion Arubano participando na e Weganan Panamericano 2019 a keda oficialmente yama bon bini den e Villa Panamericano cu e tradicional ceremonia di bandera. E ciudad anfitrión Lima y su hendenan a ricibi y yama bon bini na henter nos delegacion di atleta, coach y dirigentenan. Presente tambe nos por a mira Presidente di COA, Sr. Roy Mezas, Tesorero Sr. Edwin Roos y Secretaria General di COA, miembro ejecutivo na Panam Sports y Comité Olímpico Internacional, Sra. Nicole Hoevertsz.

Na e bunita mainta aki a toca e honor na e delegacionnan di Aruba, Argentina, Guyana y British Virgin Islands pa presencia e bunita ceremonia di bandera cu a ser prepara pa e organizadonan. Aruba tabata e di dos pais cu a wordo yama unda nos atletanan di bowling, tiro y taekwondo mas algun miembro di delegacion a marcha den e desfile cortico.

Un grupo hoben di Lima, cu a demostra un baile nativo di Peru a habri e bunita mainta mientras e bandera di Aruba tabata e e di dos cu a wordo hisa acompaña

pa nos tono glorioso Aruba Dushi Tera.

A toca e honor na nos Hefe di Mision di Aruba, Sr.

Kenneth Vrolijk pa entrega un obsekio di Aruba como recuerdo na e alcalde di e Villa Panamericano.

Deporte Local

Jonathan Bremono y Yannick Roos a termina na di 15 lugar riba e prome dia di competencia na Peru



ORANJESTAD (AAN): E prome atletanan di Aruba a mira accion na Lima, Peru unda e bolicheronan masculino Jonathan Bremono y Yannick Roos tabata e prome nan cu a hunga. Mester bisa cu Jonathan y Yannick a termina na un di 15 lugar riba e prome dia.

Pa loko ta e wega, Yannick Roos a tira 4 di e 6 wegananan hunga riba 200 cual

sigur ta un bon prestacion. Solamente e wega 6 no tabata uno fuerte. Pa loko ta Jonathan Bremono su wega esaki no a bay manera desea unda un wega a bay sublime tirando un 265. Mester bisa cu Jonathan a sinti su hamstring y esaki a afecta su wega.

Jonathan Bremono a tira 190, 180, 265, 142, 167 y 149 – puntuacion 1093 pa un av-

erage di 182.2 mientras Yannick Roos a tira 205, 221, 204, 225, 195 y 140 – puntuacion 1190 pa un average di 198.3. Total puntuacion di Aruba tabata 2283.

Puerto Rico ta lidera e prome dia cu dia 2919 punto sigui pa USA y Mexico. Diasabra e wegananan ta sigui cu e finalnan den doubles

Kamilah Dammers-Naddall y Thashaina Seraus na e di 4 lugar riba e prome dia di competencia na Weganan Panamericano LIMA 2019



ORANJESTAD (AAN): E wegananan panamericano di bowling femenino a sigui na Lima, Peru unda e dos bolicheronan elite Kamilah y Thashaina a inicia nan competencia. Mester bisa cu un total di 16 pais ta competi

den e deporte di bowling unda Aruba riba e prome dia a keda na di 4 lugar faltando e diasabra di final.

Tanto Thashaina como Kamilah a inicia bon na e competencia tirando net riba 200 pin. Den e wegan-

an siguiente tabata falta e consistencia principalmente cerca Kamilah pero despues ambos atleta ta recupera bon tirando riba 220 pin den e ultimo wegananan hunga.

Mester bisa cu Kamilah a tira pa 209, 186, 187, 233,

192 y 197 pa total di 1204 cu un average di 200.7. Di otro banda Thashaina a tira pa 224, 189, 209, 227, 153 y 239 pa un total di 1241 cu un average di 206.8.

Esaki ta haci cu Aruba awor tin 2245 punto bon pa

un di 4 lugar. Diasabra awor lo tin e buelta final unda cu Thashaina y Kamilah lo purba na yega entre e prome tres paisnan riba e tablero final. Exito na ambos bolichero den e Panam Games LIMA 2019



Deporte Local

Brazil Taekwondo Stichting a tene reunion cu su miembronan



ORANJESTAD (AAN): Diahuebs ultimo Brazil Taekwondo Stichting a reuni cu su miembronan pa atende cu e plan di Augustus, September y November y a reparti e tarea di tur hende presente. Mirando cu 4 di e atletanan ta na Europa den pleno

training, trabaonan mester sigui pa recauda fondo y dia 4 di Augustus tin car wash cu ta net dilanti porta.

Willy Willems ta e pending meester di Brazil Taekwondo Stichting y ta e persona cu ta atende cu tur e fondonan colecta y ta paga tur e

gastonan. Willy Willems a trece e plan pa e actividad cu tin dilanti porta y a splica kiko tur lo mester haci pa esaki ta un exito.

Alitia Rosales di Noord Taekwondo Center a trece algun punto tocante coscan cu nos mester atende pa asi-


na tur cos ta cla pa e evento grandi aki.

Carlos Hernandez di www.mundotaekwondo.com ta promove Aruba internacionalmente y a informa cu tur cos ta canando bon pa e Test Event y Best of the Best. E aña aki ta bay ta e prome

biaha cu Brazil Taekwondo Stichting ta organisa e Test Event di Best of the Best y Panama y Surinam ta bay ta presente.

Telefonnan di DIARIO
Tel: 582 6747
Fax: 582 8551

Donacion na Fundacion Contra Cancer di Prostaat



ORANJESTAD (AAN): Diahuebs ultimo na Roadside Café, Crash Test Dummies Cycling Team a haci entrega di un donacion na Fundacion Contra Cancer di Prostaat.


Crash Test Dummies Cycling Team ta un grupo di amigo ciclista cu a uni hunto pa un bon causa. Na aña 2014 Crash Test Dummies Cycling Team a wordo funda cu e meta di yuda promove instancianan social den nos comunidad door di representa e instancianan den e deporte di ciclismo. Awendia por bisa cu nan tin e honor di por representa Fundacion Contra Cancer di Prostaat.

Fundacion Contra Cancer di Prostaat ta un organisacion

cu tey pa concientisa y kibra e miedu cu tin na Aruba pa loke ta Cancer di Prostaat. Fundacion Contra Cancer di Prostaat ta recomenda tur hende homber den nos comunidad pa haci e test nan di PSA regularmente y busca tratamento pa malesa relata na prostaat y cancer di prostaat. Nan tey pa un y tur cu kier mas informacion of cu kier papia tocante cancer di prostaat.

Crash Test Dummies Cycling team kier duna un danki special na Caribbean Mercantile Bank y Roadside Café pa nan confiansa y ta contento di por contribui na yuda traha mas material pa concientisa comunidad di Aruba tocante cancer di prostaat.

DEPORTE INTERNATIONAL



Cristiano Ronaldo ta admiti cu Real Madrid tabata e team cu mas a impact'e den su bida

MADRID: E hungador portugues kende awor ta hungando pa team di FC Juventus na Italia, a ricibi e siman nobo aki un premio prestigioso entrega door di un di e corantnan mas grandi na Spaña.

Cristiano Ronaldo, kende ta delantero di Juventus di Turin, a admiti Dialuna durante entrega di premio Marca Leyenda, cu e team di Real Madrid tabata e club cu a impacta den henter su carera y cu e ciudad di Madrid ta esun cu mas e ta hayando su falta.

Den su prome palabranan durante e gala di entrega di premio na Madrid, el a recorda cu hopi cariño e club di Spaña cu cual el a gana cuatro Champions League, entre otro trofeonan.


"Madrid ta e ciudad cu a impactami hopi, no djis na nivel futbolistico, pero tambe na nivel personal. Esaki tabata e club cu a marcami. Mi a hunga nueve aña

den Real Madrid y pesey mi tin un cariño hopi special pa Madrid," el a reconoce.

"Mi ta haya hopi falta di tur dos. Debi na e circunstancianan di bida, mi tabata pasa mas aña den Madrid, mi yiunan a crece aki... y di berdad mi ta sinti hopi falta di Madrid," el a bisa ora cu el a wordo puntra si e ta haya falta di mas di Manchester United of di Real Madrid.

Na e acto di ceremonia, tabata presente tambe e president di Real Madrid, Florentino Perez, cu kende el a combersa tambe prome cu nan a saca un potret hunto despues di a ricibi e premio Marca Leyenda.

Cristiano a papia tambe despues cu el a sali di Real Madrid despues di nueve aña, y bay pa hunga den otro liga manera Serie A. "No ta facil pa sali di Real Madrid, despues di tabata nueve aña aki y yega Italia, den un liga diferente, hungadornan diferente, y cu 33 aña di



edad... pero tabata un di e mihor temporadanan cu mi a haci."

Hasta muchanan a haci

pregunta durante e gala, y uno di nan a bisa Ronaldo cu e ta haya lastima cu el a bay di Real Madrid. Y aki publi-

co a keda sorprendi ora Cristiano a conteste den microfon: "Ami tambe".

Xander Bogaerts a manera activa su poder scondi



BOSTON: E asina yama 'breakout season' pa Xander Bogaerts di Boston Red Sox a cumenza ilustra e poder cu durante hopi tempoa pronostica cu lo bira parti di su wegga.

Y awor cu season di Baseballta mas cu mitar caminda, por nota cu Xander Bogaerts ta lidera e team cu 20 homerun y 71 careda empuha.

Tres siman pasa, Bogaerts a conecta homerun den cada wega di e serie di weekend contra Los Angeles Dodgers, y esey a bira e prome biaha den su carera cu el a conecta un homerun den tres wega consecutivo. El a empuha

por lo menos un careda den cada uno di e seis weganan di tres siman pasa, cu a bira esun mas largo di su carera.

E breakout aki ta un paso grandi pa Xander e season aki. Y observadornan a mira cu e ta desaroyando un costumber di conecta e homerunnan aki den situacionnan hopi complica. Tres siman pasa, siete di su homerunnan a bin den di ocho inning of despues.

Prensa Mericano ta impresionada cu e "power surge" aki di Xander, y loke e ta haciendo riba veld ta halando atencion di tur hende den henter MLB.

Empleadonan Japonese ta bay wordo suplica pa traha na cas durante Olympiada



TOKYO: Companianan cu sede na Tokyo, ta pensa di pidi nan empleadonan pa keda cas y traha durante Olympiada 2020, y di e forma aki purba reduci congestion den ciudad durante e Weganan.

Cu e Weganan planea di 24 di Juli te cu 9 di Augustus, sigui pa Paralympics di 25 Augustus te cu 6 di September, un total di como 650.000 hende y turista lo bay agrega na e 8 miyon hende cu ta core y cana door di Tokyo tur dia.

Den un intento di yuda alivia presion riba servicionan di transporte, Gobierno

di Japon y e comite organizador di Olympiada, ta promoviendo un idea di "telework", cu lo pone varios compania laga nan empleadonan traha for di cas, via internet.

Mas di 50.000 trahador di Fujitsu, y 34.000 trahador di NEC Corp. lo bay tuma parti den e plan aki, cu Toyota mes permitiendo 1.600 di su empleadonan na Tokyo keda traha na cas durante e Weganan.

Ricoh posiblemente lo cera su oficina na Tokyo, y asina evita cu 2.000 trahador tin di tuma transporte publico di bay traha, mientras cu e

Cerveceria Asahi a bisa luna pasa cu nan lo bay laga solamente 30% di su trucknan core durante oranan menos druk.

Como 600.000 empleado mas di 3.000 otro compania lo keda traha for di cas durante e simannan cu Weganan Olimpico ta andando.

Operadornan di Trein y Metro den e area, tin planea pa extende nan horario di operacion durante e Olympiada, pa trata na reduci congestion y evita problemanan na stacionnan di trein. Ta conoci cu na Japon, tin hopi protocol pa hende cu ta baha y subi di trein.

DEPORTE INTERNATIONAL

Nan tabatin e peor siete dianan tras di lomba

New York Yankees tin di busca pitcher nobo cueste loke cueste pa reforza nan wega

BOSTON: Den un periodo di siete dia, a conclui cu e team di New York Yankees mester di reforza nan pitcheo. E decision aki ta cambiando for di "prioridad halto" awor pa "urgente".

Esaki ta debi cu e pitcher-nan di Yankees a caba di completa e siete dianan di mas peor tras di otro den historia di American League. Den siete dia, nan a hunga siete wega, y a permiti 73 careda, a permiti 23 home-run. Nunca antes esey a yega di socede.

Awor cu esaki a sali na cla, por conclui pakico general manager Brian Cashman di Yankees ta buscando pitcher for di trempan caba prome cu e deadline di trade di Diamarzon awor.

Cu nan pitcher estelar Luis Severino keto bay riba lista di lesionado cu problema di schouder, Yankees a purba na hunga wega cu pitchernan cu ta inclui Masahiro Tanaka, James Paxton, JA Happ, Domingo German, y CC Sabathia. Claro cu nan tur ta talentoso, pero claro awor tin hopi pregunta, sea cu si nan ta cu salud of si nan tin consistencia.



Claro cu a topa cu contratiempo den caminda, pero ningun hende a anticipa e buraco grandi cu a desaroya. E asuntonan di siman pasa a centraliza casi completamente riba e pitcheo cu nan tin disponible. Durante e siete dianan di wega, ningun pitcher di Yankees a lanza mas di cinco inning. Colectivamente hunto nan a pitcha 26 inning, mientras cu a permiti 48 careda gana. Esaki ta un average di 16.62.

E falta di inning di e lineup aki awor ta cayendo pisa riba nan bullpen. Relevonan di Yankees (y catcher Austin Romine) a haya nan ta hunga

34 inning.

Pero tin di corda cu Yankees a enfrenta dos di e teamnan mas fuerte ofensivamente, esta Minnesota Twins y Boston Red Sox den e siete weganan aki. Pero si nan tin plan pa sigui hunga mas profundo den October, chens ta cu nan lo bay ta enfrenta un of tur dos di e teamnan aki.

E problemanan di Yankees

contra e ofensivo di Boston no ta algo nobo. E team di New York a bin ta hunga den situacion dificil contra nan for di e London Series caba. Yankees claramente tin di bay drecha e asunto ey.

Ainda ta hopi dificil pa bisa kende lo bay ta un pitcher realistico pa Yankees. Tin rumor cu e comersacionnan di negociacion ta hopi slow debi cu teamnan cu ta bendi-

endo pelotero no kier baha cabez pa prijs cu nan ta exigí. Esaki lo bay cambia kizas e dos ultimo dianan aki. Den caso di Yankees, nan mester cuminsa saca mas placa pa busca un pitcher hopi necesario, of kizas hasta busca dos.

Yankees tin wowo riba Madison Bumgarner, pero el a mustra di ta prefera di bay keda cu San Francisco. New York Mets a bisa cu nan lo no kier bende pitcher Noah Syndergaard of Zack Wheeler na Yankees. Y ken sa kico lo pasa cu Marcus Stroman. Esaki lo por laga Yankees mal pega y pone nan awor obliga na busca pitchernan menos estelar manera Robbie Ray, Matthew Boyd, y Mike Minor.

Toch si acaso Yankees haya uno di nan, e lo por yuda un tiki. Si nan haya dos, e por suministra suficiente esfuerso pa haya e pitcheo di New York bek.

Por poco Lionel Messi a haye den pelea pasando vacacion na Ibiza



IBIZA: Ta temporada di vacacion, y e astro di FC Barcelona, Lionel Messi a bay pasa vacacion cu su famia y amigonan manera Luis Suarez, Cesc Fabregas y Jordi Alba na isla di Ibiza. Pero esaki no a bay asina perfecto manera nan a spera.

Despues di a caba di hunga pa seleccion di Argentina, e entrenador Ernesto Valverde a duna Messi permiso pa bay tuma algun dia di vacacion.

E futbolistanan di Barcelona a mustra di a bay pasa hopi bon na Ibiza.

Mundo por a sigui detayenan di e vacacion aki na Ibiza, danki na imagen y potret cu e casa di Messi, Antonela Rocuzzo ta pone riba Instagram. Cos tabata bayendo bon te ora cu un homber a bay purba confronta e futbolista cu pa hopi hende ta wordo considera e mihor di mundo.

Lo mas insolito ta cu e homber aki kier a bringa cu e astro di Argentina! Pero e no a haya chens, pasobra den un rato di tempo un monton di security a yega rond di Messi y su famia.

Di e forma aki, e futbolista di FC Barcelona a sali ileso di e confrontacion, pero tin hendenan a mustra cu Messi den futuro lo bay pensa dos biaha prome cu e bolbe bay pasa vacacion na Ibiza.

Gareth Bale ta parece di ta bayendo for di Real Madrid

MADRID: Siman a cuminsa cu un sorpresa, ora cu e seleccion di Real Madrid ta bayendo Munich pa Audi Cup, y e futbolista Gareth Bale no ta aden. E atacante di Wales a haya ultimo dianan un oferta hopi lucrativo pa bay hunga pa team Jiangsu Suning na China.

Bale pues tabata parece di ta na caminda pa China, y Real Madrid na ultimo momento a dicidi na hisa su prijs. Esaki lo a pone kizas Jiangsu Suning cambia di idea y no sigui mas cu e compra di e hungador. Segun varios medio di comunicacion, tabatin plan pa Bale gana na China e suma di 25 miyon euro pa temporada.

Pues awor ta insigur unda e futuro di Bale lo ta. Zidane a bisa cu e no mester di e at-



acante mas, y e mercado di transferencia na Inglatera lo bay cera dia 8 di Augustus. Real Madrid lo habri e Audi Cup riba Diamars cu un competencia entre Tottenham Hotspur, Bayern Munchen y Fenerbahçe tambe.

Noticia Internacional

Tiramento na Merca: Hoben a mata tres persona durante un festival di musica y cuminda

GILROY: Diadomingo atardi un homber arma a dispara contra publico durante popular Festival di Conoflok di Gilroy, norte di California, na unda el a mata tres persona y a herida por lo menos 15 prome cu polis a mat'e, mientras cu publico y musiconan tabata purba di scapa e tironan.

E agresor, cu tabata arma cu un fusil y el a drenta clandestinamente na e lugar atraves di un muraya di e parkinglot, a cuminsa tira pa loco alrededor di 17:30, na final di un feria di tres dia cu ta atrae mas di 100 mil persona.

Segun declaracion di hefe di Polis, Scot Smith-ee, e agentenan a reacciona den un minut, a enfrenta e sospechoso y a mat'e. E escena den e festival tabata "un pesadiya cu nunca bo ta kere cu ta bay pasa cu bo", el a agrega.

Varios testigo a indica cu



grupo Tin Man a caba di cuminsa nan concierto na momento cu e disparonan a cuminsa.

E heridonan a wordo traslada na varios hospital y nan estado tabata di leve pa critico. Algun mester a wordo opera den horanan di anochi.

Festival di Conoflok di Gilroy ta inclui cuminda,

competencia di cushina y musica. Esaki ta un evento cu decadanan di tradicion den un localidad agricola di 50 mil habitante, situa 176 kilometer zuidwest di San Francisco. Esaki ta un celebracion trankil pa famianan. Tin hopi seguridad, cu detectornan di metal y seguridad ta check tur tas na entrada.

Israel y Merca a test cu exito un sistema anti-misil na Alaska



WASHINGTON: Israel y Merca a test cu exito, un sistema antimisil di largo alcance na Alaska, territorio Mericano, Ministerio di Defensa Israeli a indica den un comunicado.

E sistema a intercepta

cu exito varios misil mas aya di atmosfera, segun e comunicado.

"Awendia Israel tin e capacidad di actua contra misilnan balistico cu por wordo lanza contra nos desde Iran of otro parti", segun Prome Minister Israeli, Benjamin Netanyahu.

"Esaki ta un exito pa seguridad di Israel", el a añadi. Embahador Mericano na Israel, David Friedman, a asisti Consejo di Minister pa observa e im- agennan di e testnan.

E test di sistema Arrow-3 a tuma lugar na Alaska, "pa test capacidad di e sistema, algo cu nan no por a haci na Israel", Ministerio di Defensa Israeli a indica.

Israel ya a anuncia na Januari cu nan lo realiza testnan di sistema Arrow-3 den nan territorio hunto cu Merca.

Sistema Arrow, co-financia pa Merca, a wordo concebi y desaroya pa Israeli Aerospace Industries hunto cu grupo Boeing di Merca.

Presidente di Peru a propone recorta su mandato y adelanta eleccionnan

Presidente di Peru, Martin Vizcarra, a propone Congreso pa adelanta eleccionnan pa Juli di 2020, recortando cu un año su mesun mandato y di legisladornan, pa salida di e "crisis institucional" pa

conflicto entre e poder, captando atencion nacional den medio di Weganan Panamericano.

"Mi a presenta na Congreso un reforma constitucional di adelanto di eleccionnan general, cu ta

implica recorte di mandato dia 28 di Juli di 2020. E reforma aki tambe ta solicita recorte di mandato presidencial riba mesun fecha", Vizcarra a bisa den sala di Congreso, den su mensahe anual na e pais den aniver-

sario 198 di Independencia Peruano.

E mandatario, kende a gana popularidad pa enfrenta cu energia pa Congreso Peruano, a destaca cu su propuesta mester wordo confirma den un referendum asina cu esaki wordo debati y eventualmente aproba pa Parlamento, domina pa oposicion Fujimorista.

"Voz di pueblo mester wordo scucha. Peru ta reclama pa un comienso nobo", e mandatario a declara, mientras algun legislador a aplaudi y otronan no.



Pa bo keda conecta cu



WhatsApp

- Pa bo potretan exclusivo
- Pa cubri bo evento
- Pa raporta irregularidadnan riba caya

ABO TA NOS WOWO RIBA CAYA PA YUDA INFORMA NOS PUEBLO DEBIDAMENT

592-9684

Noticia Internacional

Brasil: 52 preso a muri durante pelea den prison, 16 a wordo decapita



CHICAGO: Prijs di trigo a aumenta na Merca debi na aumento di temperatura cu ta limita produccion di Rusia. Futuro di trigo den Bolsa di Mercado di Chicago a subi poco mas di 1% riba dialuna, den di tres sesion cu a conoce aumento den ultimo cuatro, pa motibo di caida di estimacion di produccion na Rusia. Soja y maishi tambe a conoce un aumento, debi na pronosticonan meteorologico desfavorable pa e siman aki den cierto areanan di Merca.

**DIARIO Telefon 5826747 /
Fax 5828551
Tipline 5822239**

Avioneta a cay na Texas, dos persona a muri

GAINESVILLE: Un instructor di vuelo y e piloto aprendiz a muri na caida di nan avioneta bimotor den un aeropuerto situa den norte di Texas, na Merca.

E avioneta Piper PA-34 a cay poco despues di 4 p.m. di diadomingo na momento cu esaki mester a ateriza den aeropuerto municipal di Gainesville, alrededor di 121 kilometer noordwest di Dallas cerca

di frontera cu Oklahoma, Administracion Federal di Aviacion a informa.

E avioneta a cay alrededor di 402 meter (440 yarda) di e pista.

E piloto aprendiz, Yu Qiu, di 22 aña y di ciudadania Chines, a wordo declara morto na e sitio. E instructor di vuelo, Francesca Norris, di 25 aña y di North Richland Hills, a fayece den hospital.



RIO DE JANEIRO: Un masacre a tuma lugar riba dialuna den un prison situa den norte di Brasil, na unda por lo menos 52 preso a muri den enfrentamentonan entre gangnan rival cu ta disputa rutan di cocaina den e region estrategico.

Por lo menos 16 di e personanan asesina den prison di Altamira a wordo decapita, autoridadnan a informa.

E rebelion a cuminsa pa 07:00 local y a termina prome cu merdia.

“Ta probable cu hopi detenido a muri asfixia”, el a agrega, indicando cu e balance di victima por bira mas, asina cu expertonan yega na e prison pa un inspeccion.

Un video cu ta circula den rednan social, reproduci igualmente pa medianan locales, a muestra seis cabez pega riba un mura-

ya; un preso ta yega cerca y ta scop un cabes manera e ta un bala di futbol.

Segun autoridadnan penitenciario, prison di Altamira tin un capacidad di acogida di 200 preso, pero actualmente tin mas di 300.

Brasil tin 727.000 preso, e di tres poblacion carcelario di mundo, aunke nan ta conta cu apenas 368.000 lugar den nan prisonnan.



Guatemala ta den “alerta cora epidemiologico” pa dengue

GUATEMALA: Guatemala ta den un alerta cora epidemiologico pa casonan di dengue hemoragico, un malesa cu e aña aki ya a causa 27 morto y cu Minister di Salud Publico y Asistencia Social, Carlos Soto, a pidi pa poblacion keda tranquil.

“Nos ta den un alerta cora epidemiologico, loke kiermen cu tur hospital ta atento pa e malesa”, e funcionario a subraya den un conferencia di prensa na final di reunion di Gabinete di Gobierno, na unda el a agrega cu pa loke ta trata 2019, nan a registra 8.372 caso di dengue grave of hemoragico, kiermen, 2.44 biaha mas compara cu mesun periodo di aña pasa.

Di e total aki, 27 persona a fayece, loke ta nifica un mortalidad di 0,32 porciento, aunke nan a indica

cu nan a pidi informacion na Instituto Guatemalteco di Seguridad Social (Igss) pa haya sa cuanto caso di contagio y morto a wordo registra pa traha un informe global.

Segun e Minister, e aranan na unda tin un can-

tidad mas grandi di casonan registra e aña aki ta El Progreso, San Marcos, Alta Verapaz, Santa Rosa, Quetzaltenango, Suchitepequez, Zacapa, Izabal y Baja Verapaz, casi un 41 porciento di e territorio.



Noticia Internacional

Maduro a bisa cu ex gueriyeronan di FARC ta “bonbini” na Venezuela



E presidente di Venezuela, Nicolas Maduro, a indica cu ex lidernan di FARC, Ivan Marquez y Jesus Santrich, fugitivo di husticia, ta “bonbini” na e pais ora nan kier.

Na final di Foro di Sao Paulo, cu a tuma lugar entre 25 pa 28 di Juli na Caracas, Maduro a bisa cu el a haya falta di e ex gueriyeronan.

“Ivan Marquez y Jesus Santrich ta bonbini na Venezuela y Foro di Sao Paulo ora nan kier bin, nan ta dos lider di paz, y Timochenko y Catatumbo y FARC ta bonbini na Venezuela ora nan kier bin pasobra nan ta lidernan di paz”, Maduro a expresa.

Santrich, congresista di awo partido politico FARC a desaparece dia 30 di Juni, y segun presidente Ivan Duque, critico di Maduro, e por ta na Venezuela.

Hunto cu presidente di Cuba, Miguel Diaz-Canel, e unico di su aliadonan tradicional cu a acompaña den e reunion di partido y movimentonan di izquierda, Maduro a critica ex presidente Colombiano, Alvaro Uribe pa su comentarionan relaciona cu supuesto presencia di

Santrich na Caracas.

Basa riba informacionnan di “comunidad”, Uribe señala cu Santrich tabata “presente den reunionnan di Foro di Sao Paulo evitando pa sali riba potretnan”.

“Autoridadnan mester confirma of no”, el a indica riba Twitter.”

Colombia ta ofrece casi un milyon di dolar pa

Seuxis Paucias Hernandez, nomber berdadero di Santrich, acusa di comete delitonan di narcotrafico despues di a firma acuerdo di paz na 2016 y kende Merca tin un ordo di extradicion. Santrich a huy pa evadi husticia y no cumpli cu acuerdo di paz pa un 16% di liderazgo di ex gueriya.



LONDON: Prome Minister di Reino Uni, Boris Johnson, a bisa lidernan di Union Europeo cu e lo sinta negocia e Brexit ora nan ta dispuesto pa cambia nan posicion riba e acuerdo di divorcio, si no London lo prepara un ayo sin acuerdo, su vocero a indica. Desde cu el a asumi e cargo di Prome Minister siman pasa, Johnson a papia cu varios lider Europeo, pero no a indica ki dia e lo cuminsa su prome bishitanan exterior.

Brasil a regulariza residencia di docternan Cubano cu a keda den e pais

RIO DE JANEIRO: Gobierno Brasileiro a anuncia riba dialuna, normanan cu 1.800 docter Cubano por regulariza nan residencia na Brasil, cu a dicidi di keda apesar di ordo di retiro relaciona cu programa “Mas Docter”.

E tramite cu lo permiti pa e docternan regulariza nan situacion na Brasil y por eherce como docternan, despues di pasa un examen di validacion, ta segun un decreto di Ministerio di Husticia y di Relacionnan Exterior publica dialuna den ‘Diario Oficial’.

Segun e normanan, doc-



ternan Cubano cu a keda na Brasil, den su mayoria trahando otro trabaonan y cu salario hopi abao pa motibo cu nan no por eherce como docternan, mester presenta nan solicitud di residencia na Brasil den cualkier oficina di Polis Federal.

E solicitante por solicita residencia na Brasil inicialmente pa dos aña, plazo cu nan por extende indefinidamente asina nan cumpli cu e periodo inicial.

Entre documentonan exigí, ademas di paspoort, ta certificado di antecedente criminal den Estadonan cu nan a biba na Brasil y den otro paisnan cu nan por a residí.

Gobierno tambe ta pretende anuncia den siguiente dianan, medidanan cu lo permiti pa docternan Cubano, asina nan regulariza nan situacion, por bolbe traha den ‘Mas Docter’, un programa cu ta manda docternan na regionnan

mas aisla y rural, como tambe den areanan mas pover den suburbionan di ciudadnan grandi.

Segun Minister di Salud, Luiz Henrique Mandetta, docternan Cubano, cu a keda den limbo debi cu nan no por eherce profesionalmente den e pais y cu Gobierno Cubano ta considera como desertor pa no a regresa nan isla, por participa den un programa cu lo substitui programa Mas Docter.

“like” us on
facebook
facebook.com/diarioaruba

Pa chica Pos - Habri tubería y wc. Servicio líne y confiabel.

Experiencia ta manda

CICLONE

Septic Tank Service

Tel: 564-0607 / 734-0607

Torres

Chica pos Septic tank
Servicio pa Cas, Company, Hotel etc.

Tel: 588-7805 Cell: 593-9534

CONSTRUCTION

Pa tur trabaonan di basha vloer, pega blokki, pleister, dak, verf, pavers, plumbing, etc. Prijs rasonabel.

Cel: 563-1650

EASY FLUSH

SEPTIC TANK

Chica pos, Habri tubería
Servicio 24/7

Glenroy Tromp Tel: 593-0235
Marline Tromp Tel: 563-5497
Celsiustraaf # 38, Oranjestad

CONSTRUCTION

Remodelacion di cas, traha cas, apartment, traha y drecha dak, verf, pega mosaico, traha cura y plomeria na bon prijs. Trabao di graniplas y Sheetrock

Cel 560 9470 / 741 3883

TA HUUR

Dos apartment 1. No mueblá cu un dormitorio na Ponton Fls.850.- + deposito. 2. Studio mueblá na O'stad fls.650.- mas deposito, awa y coriente no ta inclui, yama cel. 594-4368

AIRCO

"SPECIAL" pa servicio di airco inverter solamente Afl.95.- + split unit solamente Afl.85.-

SERVICIO LIHER Y GARANTIZA (Techniconan certifica)

Cel: 740-7158 / 565-3232

TA HUUR

Apartment na Schotlandstraat, pa dia, pa siman y pa luna. Cel: 594-4945

ELJENA CLEANING

Ta busca night cleaners. Hende homber pa haci stof, fryer, grill limpi di 11pm - 7am. Mester tin firma liber of passport Hulandes y carchi berde. Por yama 592-1885 entre 9am - 4pm.

PA AVISO aviso@diario.aw

BO MESTER DI WASTE BUCKET RESIDENCIAL OF COMERCIAL?

ecotech

Mr. Bucket

594-3757
mrbucket@ecotech.aw

20 yrd Big Bucket 15 yrd Junior Bucket 10 yrd Small Bucket

D'La Rosa

CHICA POS

Pa servicio di habri tubería, area di hotel tambe.

562-2059 Pos Chiquito 25-G
585-8534 Aruba

Glassco

- Glass & mirrors cut to size and shape
- Polishing, drilling & glass replacement services
- Fast service

Tel. 583-4784
Caya Betico Croes 162 B

BOBCAT & BACKHOE

Rosa tereno, coba fundeshi, pos, jena fundeshi

Ta bende Santo y Piedra
Jama 593 5050

TA FURA

Matras, muebles 25%. Hopi descuento riba mercancia den tienda 40-50% y 80% liquidacion

Orange Matrassen Fabriek, Solo 5, Tarabana.

Tel: 588-7468 / 593-4387

Oportunidad pa trabao. KATRA N.V.

Ta busca un all around helper masculino. Mester pasa personalmente pa aplica na Bushiri 26-H, Tel: 582-9901. Horario pa pasa: 9am pa 11:30am / 2:15pm pa 5:30pm.

AVISO

Huur bo cas of apartment den tempo record.

Yama nos 593-8082

VERF Y DAK

Pa tur trabao di verf cas y negoshi, drecha tur tipo di dak y spuit dak. Yama awe mes na 566-7736

DAK TA LEK?

Pa tur trabao di drecha y spuit dak di asbest, shingles, panchi, zink y kima loderiet. Yama awe mes na 566-7736

BOBCAT SANTO

Rent Bobcat, tin graniet blauw y normal, demolicion, yena baki, fundeshi, rosa tereno, bende santo y piedra. Mesora!

Cel: 592-3424 / 592-1156.

TA HUUR

Apt pa 1 of 2 persona. No mucha.

Tel: 660-2192

TA BENDE

Toyota Scion XB año 2010, prijs Afl.8500,- Koyari 30B, Noord.

Tel: 567-9726

SOLICITA

Mester di un hoben dinamico cu rijbewijs cu a termina EPP parti technico pa cuminsa traha mesora den un ambiente agradable y cu tin interes pa crece huntoe cu e empresa den futuro. Interesadonan por yama Cel. 594-4368

RENTO

Apartamento 2 camber, garage independiente. Disponible 3 de Agosto. Tel: 733-4033

FOR RENT

Comfortable apt 2 bedroom, social area with the kitchen, airco inverter, all the utilities excluded. 1.200,- rent, 1200 borg. Simeon Antonio Buena Vista # 2A, Tel: 594-5576

NADIN REPARACION Y SERVICIO TA DRECHA

Wasmachine, frigidaire, cooler, dryer, forno, stoof. Tur tipo di split unit y window.

Tel: 566-4366

MERCADO REPARACION Y SERVICIO NOS TA DRECHA

Wasmachine, Frigidaire, Cooler, Dryer, Stoof, Forno. Tur tipo di split-unit y window.

JOSE MERCADO !Any time!

569-6224

TA HUUR

Un apartment di dos camber cu su baño priva, sala comedor. Cerca di hotelnan grandi (Marriott). Awa, luz, cable ta inclui (wifi). Pa mas info por yama: 561-4347 / 569-1754

TA HUUR

Apt full muebla, 1 camber, awa, gas, wifi incl. Coriente apart (pre-paid). Tanki Leendert, Tel: 744-7959

NOS TIN SERVICIO

Corta mata y palmanan peligroso. Forma di mata.

Tel: 592-1277

TA HUUR/ SE ALQUILA

Aptm. (1) camber, semi muebla, 750,- + dep. Awa, coriente apart. Caya Frere Arnold # 10, dilanti Xavier University. Tel: 594-6701

ASSOCIATED REALTORS

TA HUUR

Un apartment di 1 camber y 1 baño cu cushina apart na Kudawecha y pa Afl.750,00 pa luna mas borg. Jama Mito na 593-6318.

ASSOCIATED REALTORS

TA BENDE

Un tereno propiedad di 336 m2 na Modanza y pa Afl.90.720,00. Jama Mito na 593-6318.

ASSOCIATED REALTORS

Bo tin un tereno y lo kier bende, pero no sa con tur e tramitenan ta? Anto jama Mito na 593-6318

ASSOCIATED REALTORS

TA BENDE

Un cas na Caya Solo/Tarabana Residence den bon condicion di 3 camber y 2 baño, tereno propiedad den un cul-de-sac y pa Afl.350.000,00. Yama Mito na 593-6318.

TE HUUR

Mooi ruim appartement te Palm Beach voor max 2 pers. Zonder meubels 850,- pm. Met meubels 975,- pm. Tel: 747-2298

FOR RENT

House for rent in Oranjestad near KFC (new). 2 bedr / 2 bath, living/dining room, kitchen, patio, garage gated. Price Afl.1500,- + dep. Excluded all utilities. Contact: 741-7750

Yejomis General Industrial

Ta busca camarera cu permiso of local pa drenta servicio inmediato. Pa mas info yama na 569-6732 / 587-8989 of pasa personalmente na oficina, Tanki Flip 1B, 8:00am-12:30pm.

SE OFRECE

Señora para limpieza de casa, oficina etc. por dias.

Info: 744-5098

TA BENDE

Un Mitsubishi Lancer 2011 den bon condicion, maneha solamente pa un hende muher. Keur 2019. Service cada 2 luna. 4x tire nobo. Por yama 563-2605

TA HUUR

Un cas 2 camber, 2 baño, sala, cushina y patio grandi. Afl.1850,- p/l plus borg. Tel: 593-2962

RUIZ EXCAVATION

Ta anuncia su nomber nobo: F. Ruiz Sand Gravel & Equipment N.V.

Nos tin santo pa bloki, pa pleister, graniet, piedra pa basha y decorashon na e mihor prijs. Pa mas info jama 588 9995 / 593 9995

ATCO

ARUBA N.V.

- Land Cleaning
- Container Hauling
- Demolition
- Excavation
- Heavy Transport and Lifting
- Material Transport in Bulk Sizes

TEL: (297) 523 6600
FAX: (297) 582 7108
infoatcoaruba@atco.aw

Find us on Facebook

GRATIS

Auto bieuw den cura? Nos ta benta afo, pornada. Tambe nos ta piki airco, bateria di auto, wasmachine, stoof, frigidaire etc. Yama nos Tel: 561-4297 / 561-5179 Arubiano balente.

Profesor Kenyo

Vidente sensitivo, lectura de tabaco, tarot, se hace todo tipo de trabajo espiritual, se saca todo mal y enfermedad maligna. Tel: 745-0461

ASSOCIATED REALTORS

TA BENDE

Un cas na Jaburibari di 3 camber y 2 baño, tereno propiedad espacioso di 983 m2 bon pa extende e cas of traha apartamento, full cura y pa Afl.345.000,00 cu ta 83% di e balor di mercado. Yama Mito na 593-6318.

ASSOCIATED REALTORS

TA BENDE

Un tereno propiedad di 600 m2 bon situa na Pitastraat/Ponton y pa Afl.156.000,00. Jama Mito na 593-6318.

AIRCO

Ta drecha tur tipo di frigidaire, airco split unit, cooler, freezer, dryer, wasmachine. Instalacion, reparacion y servicio ligero y garantizado. Tel: 562-4068 / 641-5110 Whatsapp 568-0681

DIARIO

- Pa noticia, cumpleaños, comentario, redaccion: noticia@diario.aw
- Pa mundo deportivo: deporte@diario.aw
- Pa farandula: espectaculo@diario.aw

Tel: 582-6747

Ni den gasto ni den solucion

Parlamentario Robert Candelaria ta di opinion cu e incinerator no ta e miho opcion



cu ta bay costa pueblo hopi placa direct of indirect den bo recibonan di awa/coriente, e ta bay produci sushi den aire y tambe sushi cu lo mester dera of trata di otro forma y pa un cos cu no mester. Ta pa e motibo aki mes e parlamentario di AVP ta keda cuestiona kico ta e motibo tras di e insistencia di un incinerator.

Robert Candelaria a remarca tambe cu no tabata tin compania cu a inscribi nan mes pa e Bidding di un sistema pa un Incinerator y cu a prolonga e dianan pa wak si ainda lo tin hende interesa. Dicon? Si e no ta na beneficio di pais Aruba economicamente / di nos medio ambiente y e corriente cu e ta bay produci nos tin'e caba. Tambe ta importante pa menciona cu si acaso nos lo bay tin mester di mas energia den futuro, esaki ta algo cu nos tur lo kier wak den un energia limpi "green energy", dicon gobierno ta keda insisti riba algo cu ta bay genera asina hopi sushi / polucion y e pueblo tin cu bay paga pe tambe. NO ta Logico!

Pa finalisa Robert Candelaria ta bisa cu e solucion cu tin actualmente ta esun di miho, no ta bay costa pueblo nada, no ta bay genera extra problema ni dolor di cabes pa nos media ambiente mientras nos por mira un Dumb na Parkietenbos cu keta bay ta mira huma ta sali for di dje, holo desagradabel y no ta necesario. Den su bista, mester muestra gobierno cu e plan aki no sa ken ta bay sostene y ban busca uno cu realmente ta na beneficio di pais Aruba y no na beneficio di un/ algun hende of grupito.

ORANJESTAD (AAN): Gobierno actual ta haci nan best pa laga pueblo kere cu un incinerator ta e solucion pa e problematica di sushi riba Aruba, ta locual Robert Candelaria a declara. Cu tin un problema di sushi y cu tin cu atende cu esaki, ta algo cu tur hende ta di acuerdo cun'e. Den Parlamento a keda reitera cu e solucion cu e minister a presenta y e proposicion di e gobierno aki, no ta e miho solucion pa Aruba.

Den e argumento tambe a bin dilanti cu idea tras

di e incinerator ta pa produci corriente como solucion awo, cu ta bay kima sushi pa genera corriente. Esaki no ta un forma limpi pa traha corriente! Si acaso esaki no ta e prometa tras di e incinerator pero mas bien pa deshaci di sushi riba nos Isla, tin cu menciona cu despues di kima sushi lo keda sushi atras cu lo tin cu haya otro forma pa deshaci di esaki. E polucion cu e lo crea y cu lo drenta nos medio ambiente, a cambio di e poco corriente cu e ta bay produci, ta algo pa evalua.

Robert Candelaria ta menciona e echo cu un compania local tin e solucion caba y cu lo converti e resto di sushi den "bails" (sushi comprimi y empaketa), transporta nan pa Colombia caminda cu nan lo uza nan como fuente di energia pa nan planta di cement. Cu esaki ta duna di conoce cu ta papiando di un argumento cu no ta "make sense". Un comparacion di un par di cien miyon pa genera 5 mega watt di corriente pa un isla cu ta uzando 120/125 mw cu t'ey caba, buscando asina un manera nobo pa traha corriente cu no necesariamente mester di dje.

Na Aruba nos tin actualmente energia di solo, biento y e plantanan na W.E.B.

Parlamentario ta puntra kico lo ta e garantia cu W.E.B. lo cumpra e corriente aki, na ki prijs, con e lo afecta prijs di corriente y awa despues cu lo / of si mester tuma un decision pa bin cu un incinerator. Pregunta sigur importante cu Robert Candelaria a haci ta, ken esaki lo beneficia paso Aruba e no lo beneficia!

Gobierno mas bien kier introduci algo cu lo costa hopi placa, ta bay crea tiki energia, ta bay crea hopi polucion mientras tin un solucion cu no ta costa pueblo nada, cu ta existente cu contractnan firma caba, lo no genera ningun extra sushi paso ta exporta e sushi anto e ora ey un mucha chikito mes por compronde esaki. "Si tin algo cu ta gratis y limpi of algo cu ta carisimo y sushi, no ta mira pakico ta keda pusha pa esun cu ta hopi placa y cu no ta bon pa nos media ambiente, of lo mester tin algo su tras," ta locual cu Robert Candelaria ta pensa.

E no ta mira dicon ta keda pusha, of mester tin un motibo su tras, pa algo

TA BENDE

Un puppy macho Fila Brasileiro di 7 siman. Interesado serio por yama 592-0942

TA BUSCA

Un frigidaire mediano of grandi cu ta traha bon. Tel: 745-3257

TA BUSCA

La Sabana Restaurant ta busca mucha muhe pa traha den bar. Bon salario. Adres: Sabana Grandi 13C, Santa Cruz. Tel: 564-7388

GRAN PROMOCION

DirecTV full canales, todo abierto. Deportes, peliculas, novelas, comedias. Aprovecha. Vea la mejor tv por tan solo Afl.100,- pa luna. Llama ya: 569-8514 / Whatsapp: +584245121172

MENU SPECIAL

Diamars 30 Juli

SHAHAI TAKE AWAY

STA CRUZ • Tel: 585-7022

balchi carni cu lentejas verde, steak basket cu sauce di pinda y sopi mondongo

Subi ariba Facebook
Shahai Take Away & Grill y Like!!

Mercado Reparacion y Servicio

Nos ta drecha

Wasmachine, Frigidaire, Cooler, Dryer, Stoof, Forno. Tur tipo di split-unit y window. ALEX MERCADO! Any time

Cel: 567-0580

FOR RENT/TA HUUR

1 studio apt na highway Sta. Cruz, muebla cu awa, gas, elect., cable. Por haye fin di Juli. Please contact cel: 7418637 / 6990746 por yama anytime.

CONSTRUCCION REMODELACION

Nos ta traha cas, apto. Remodelacion interior y exterior. Tegels, bloki, pleister, plafond, basha vloer, traha y drecha tur sorto di dak bon prijs. Info: 561-2137

SANTO Y PIEDRA

Nos tin santo pa pega bloki y basha, piedra pa mix, santo di pleister.

Tel: 560-9494

REPAIR

Dryer, wasmachine, frigidaire, cooler, airco, walk-in cooler, walk-in freezer.

Cel: 562-1584 / 745-7084

SERVICIO TA DRECHA

Tur sorto di frigidare, cooler, wasmachine, dryer, forno, airco, etc. Anytime. Trabao garantiza. Tel: 563-1759

Nos Ta Drecha

Tur tipo di frigidaire, cooler, wasmachine, dryer, forno, airco, etc. Anytime cel: 567-8394

BLOKI Y DAK

Nos ta especializa den duna trabao bunita y na bon prijs. Bloki ta cuminsa na Afl.2,- Tel: 740-7627

FOR SALE

Jack Russell puppy's, 7 wks. Tel: 583-3285 / 593-5996

Remitido

Ki bal duna castigo maximo di 16 aña prison y ta keda na Hues pa dicidi ki castigo un pedofil ta haya

Mi tin un castigo ta biba cu n'e di 70 aña di prison den mi cas, cu a causa mi hopi dolor rabia y sufrimento, pasobra mi ta un victima di un pedofil. Mi a sacrifica y a kibra mi silencio y berguena pa un dia mi weita un pedofil castiga y benta den prison sikiera pa 20 aña.

Te ainda mi no a weita ningun Gobierno haci

algo pa e victimanan di un pedofil.

Cu 20 aña di Prizon minimo of Bida Largo ta locual cu un pedofil merece. Ful na su tino e homber pedofil burdugo sin consenshi y compashon ta asalta y atraca un criatura inocente, ora cu e criatura no tin ningun hende banda di dje pa defend'e.

Nunca bo a tende cu un

hende muher ta abusa sexualmente di un criatura inocente. No ta tur homber ta mescos, ta un homber demente burdugo sicopata ful na su conosimento y tino ta busca pa sasía su sed sexual y fantasia ariba un criatura indefenso. Un pedofil mester sa di antemano ki castigo ta sper'e ora cu e abusa sexualmente di un criatura inocente.

Momento cu un pedofil acepta, y ta reconoce su culpabilidad, e burdugo ey mester tir'e den prison mes ora. Na Colombia President Ivan Duque ta den proceso pa pidi bida largo den prison pa pedofilnan cu ta abusa sexualmente di menornan di edad. Aki na Aruba nos tambe mester bay den e direkshon di President Ivan Duque su ley.

Na Aruba nunca un huez a yega di uza e castigo di 12aña di prison maximo pa un pedofil, mi tin copia di e ley di 12aña maximo, Sr Lake cu tabata hefe di Kinder en Zeden Politie a duna mi e copia. Pasobra tanten cu un huez por tuma den considerashon ki tipo di castigo por impone,

sentencianan hopi abao lo sigui apesar di 16 aña maximo, castigo mester ta di minimo pa maximo, pasobra e Hueznan lo sigui hunga cu e sentencianan.

Mi ta roga nos Prome minister mi bon amiga Min. Pres. mr Evelyn Wever Croes y nos Minister di huisticia Andin Bikker, Raad van Advies, Ministernan y Parlamentarionan y Ministerio di Husticia Hof van justitie nos Hueznan pa studia e caso aki di pedofilnan Burdugo hopi bon, pa no sigui castiga mi den mi prison cu ta mi cas cu ta rondona cu dolor y sufrimento y rabia cu mi tin contra Pedofilnan. Mi a sinta caba 70 aña di prison den mi cas, mi no kier sinta mas, un castigo impone pa un pedofil. Si mi por a sacrifica mi silencio y berguena, mi por sacrifica hopi mas y mi ta sigui boga pa 20 aña di Prizon pa Pedofilnan of duna nan Bida Largo locual nan merece.

Mi gradicimento ta bay pa P.G suplente van Deutekom y su team cu reciën a contesta mi, y a duna mi un luz na horizonte, tam-

be na P.G Alexander van Dam cu a hiba e carta di Huez La Mére di Hof pa Arthur Dowers cu nunca a haci algo cu mi petishon y a benta mi carta den bari di sushi, pasobra Arthur Dowers sostenedor di Pedofilnan, mescos cu Mike Eman, complice di Henny Eman cu a permiti aborto forza na un dama reina den cas di Partido A.V.P a kita e dama for di tino pa e dokter haci su trabao pa aborta e baby di 7 luna, y pa skapa prison door di insistencia di Señora Glenda Margareta den Partijraad di AVP, Henny Eman bow presion a duna e dama reina, un onderstand di Fls 850.00 Florin pa luna, contra tur regla di bijstand.

Ningun hende cu ta biba ariba e pida baranca aki hamas y nunca lo bay pardona e duo Mike y Henny Eman cu ainda ta na bida. ohala cu e caso aki por bay corte, pasobra ta mi persona a hiba LandsRecherche na cas di e mama di e victima pa e por a entrega un keho contra Heny Eman burdugo, y nunca a haya un contesta. Glenda Margareta a bisa Henny Eman den Partijraad di AVP, cu si ta berdad pa Henny carga su responsabilidad, ta den sanger e cos ta, pasobra difunto Henny Eman tambe a bay sera den prison, pa a abusa di un menor di edad, y cu nunca a cria su yiunan di afo. Y ora bo castiga un pover, e ley di Karma ta bin pa bo.


No ta pornada Mike Eman a hiba A.V.P na un disaster den e ultimo eleccion, pasobra ley di Karma a drenta den A.V.P. Ni cuanto Mike Eman keda grita, pueblo di Aruba hamas lo kere Mike Eman su mentiranan. Maske con lihe e mentiranan di Mike Eman ta, e berdad semper lo alcans'e na caminda. Bo por gaña un biaha, y bo por gaña mas biaha, pero bo no por sigui gaña pa resto di bo bida.

Corupcion y mentiranan ta demasiado grandi den e demagogonan di A.V.P, cu pueblo di Aruba a dicidi pa nunca mas nan yega na poder den Aruba su Gobernashon Vox Populi Vox Deo.

Hiacintha Thijsen Trimon, Savaneta 210-A. Tel 584-7280.

Royal Aurora
Funeral Home & Crematory

Cumana # 76 & # 44
Oranjestad, Aruba
T.: (297) 588-6699



“Señor ta mi wardador, mi’n tin falta di nada Den cunucu di yerba berde e ta ponemi sosega. E ta hibami na awa trankil, Pa mi bolbe haña forsa”.
Salmo: 23

Nos ta anuncia fayecimento di:

Jose Francisco Franken
***24-07-1948 - †23-07-2019**

Na number di su: Rumannan:

Thomas y Lola y famia
Victoriano y Ilvia y famia
Martin y yiunan
Seferino y Odalis y famia
Pina y yiunan
Alex, Mariska y yiunan
Marco y yiunan
Glenda, Jean Marc y yiu

Sobrino y sobrinanan

Demas famia: Franken, Farro, Kelly de Cuba, Rodriguez, Tans, Kock, Hese, Pontilius, Leest, Tromp, Danja, Ruiz

Si acaso den nos momento di tristesa nos a lubida un number nos disculpa.

Ta invita pa e acto di condolecia y despedida cu lo tuma lugar diasabra 27 di july 2019 di 9’or pa 11’or di mainta, sigi pa cremación cu lo tuma lugar den seno familiar.


Royal Aurora
Funeral Home & Crematory

Cumana # 76 & # 44
Oranjestad, Aruba
T.: (297) 588-6699

Gradicimento y Invitacion

Na number di su yiunan y fami nos kier a gradici tur esnan cu di un manera of otro a duna sosten, consuelo y atencion durante enfermedad, fayecimento y entierro di nos ser stima:

Sr. Valeriano Rudolf Filiciana
Mihor conoci como
“Jani-Tan” of “Zol”



Un danki special ta bai na Egidio Irausquin; Nita & Mai Bislik; Judessa & Delia Martis; Chommy, Jeanine & Jeanice Filiciana; Haime & Jeanila Geerman-Filiciana; Harry Bareño & Lue-Ann Tromp; prima/onan Sirma & Machteld, Jopi & Ditzza, Aura, Norma, Wini & Fedi Ras, Calixta, Juan, Erick, Elva, Rudy, Iris, Franklyn & Eslyne Filiciana; Mido Restaurant; Thunder N Lightning/Shaba Pastry; Vivian Filiciana; Diana Baarh & Elsa Filiciana; Ella, Dufi, Ricky & Aura Croes; Vera Filiciana, Junior, Josy & Roderick Koolman; Zohmaira, Uka, Zihnhaira Filiciana & Maira; Annie & Chommy.

Un danki tambe ta bai na Aurora Funeral Home pa nan bon servicio, dr. Selene Kock, dr. van Horenbeeck, Edmund Harms Foundation y Paramediconan di ambulance.

Alaves nos ta invita boso pa 3 Santo Sacrificio di Misa, Diamars 30 di juli, Diahuebs 1 di augustus y Diabierna 2 di augustus pa 7:00 p.m. na Misa Santa Filomena na Paradera. Despues di e ultimo misa Diabierna 2 di augustus lo tin un rosario na Seroe Pita 35-C.

Oracion pa awe:

Hesus mi Amor, Spirito Santo mi Guia, siña mi kiko kieren confia den Hesus esun cu a bini pa salba mi, esun cu a subi un cruz pa asina ami por tin e posibilidad pa bida eterno. Hesus mi ta confia den Bo, tene misericordia cu mi y cu henter mundo.

Amen
C.P.A



ONDERLINGEHULP

Mas info.: 5824427

Specialista den seguro di entierro info@onderlingehulp.com



Cumana # 76 & # 44
Oranjestad, Aruba
T.: (297) 588-6699

Gradicimento

Pa medio di esaki casa y yiunan di



Sra. Regina Reineta Ruiz-Ridderstaat

Ta gradici tur famia, amigo, conocirnan y bisiñanan cu a companianan durante, prome y despues di enfermedad, fayecimento y entierro di nan ser keri. Boso deseonandi forza a wordo hopi aprecia. Un danki tambe na verpleegsternan di Wit Gele Kruis.

Team di Aresto a detene homber cu a horta Dinamita

ORANJESTAD (AAN): relata cu recien na e "Mina Informe desde Suriname ta di Oro" a detene un homber

kende ta worde sospecha di a comete ladroncia di Dinamita

Segun calcula esaki a sode entre otro 10 dia pasa na e Mina di Oro na Suriname, cu ta situa na Brokondo. Medionan di Suriname entre otro De Ware Tijd a menciona cu intento a worde haci pa horta cantidad grandi di stafnan di Dinamita for di den un Bunker.

Parce personal encarga cu seguridad di e empresa durante control haci a bin descubri algun saco cu ta contene stafnan di Dinamita riba un localidad den vecindario di e compania. Consecuentemente mesora alarma a worde bati.

Pa cual a inicia investigacion profundo y cu a bin aresta un homber cual ta worde sospecha lo por sa mas di e hortamento di stafanan na "LamGold Brokopondo".


Mientras tanto e compania a haci denuncia despues cu a bin descubri stafnan di Dinamita. Te asina leu e compania encuestion no sa exactamente cuanto staf di dinamita a worde horta.

Diasabra ultimo segun informe a hiba e sospechoso deteni na e Mina di Oro "LamGold" pa lo demas investigacion. Si lo por tin mas persona involvi, te ainda no ta conoci, e caso ta uno serio, pregunta grandi ta, kico tin ey tras, pa cual investigacion ta continua.

MUNDO DI MUCHA CU HESUS Y HOBENAN CU E LUZ DI MUNDO

Ta participa fayecimento di:

Mo Beto Gilberto Maduro



Casa di nos quia spiritual Machita. Tata di T. Mirna y T. Marlene grandi.

Entiero: Diamars 2'or - 4'or na Misa Inmaculada Concepcion St. Cruz.


Cu Mo Beto sosega na Paz.

Cu profundo tristeza
Grupo di Orashon Carismatica:

HESUS TA E CAMINDA

Ta extende nan condolencia
na familiaresnan di:

Iliberto Maduro



Na bida nos ruman den cristo
y ex guitarista di nos grupo

Palabranan di profundo condolencia na
famia di e fayecido.
Hopi forza den e dianan dificil aki.

Cu nos ruman Beto sosega na Paz.

GRUPO DI ORACION Carismatico "SHALOM"

Cu e Amor di Cristo Hesus, ta invita e Pueblo di Tanki Leendert y Aruba henter y tur nacion, cordialmente pa asisti. na un anochi di:


"ALABANZA Y ADORACION"
Na: MISA SAN JUAN PABLO II
(Tanki Leendert)

*Bin buska bo gozo den
"E Palabra di Dios"*

DIA: Diaranson 31 di Juli, 2019
ORA: 7:30 PM - 9:30 PM
ORADOR: Sra. Nataly Simmons

Nos ta cuminsa cu e Santo Rosario.

*Mi ta halsa mi bista na serunan, di unda mi judansa lo bini?
Mi judansa ta bini di Señor cu á traha cielo y tera.
Salmo 121;1.*



"Handy Man" a cay for di truck

ORANJESTAD (AAN): Un ciudadano di edad respetable riba Dialuna a denuncia cu e tabata desea pa esun cu a haya of tin un Handy Man color aluminio pa lastracaha a cai riba e caminda na Boegoeroei diabierna ultimo.

Porfabor, e ta pidi pa debolbe esaki na Boegoeroei number 8, por yama tambe telefoon 587-7942, puntra pa sr. Rasmijn.

El a presta un persona e aparato aki y "Handy Man" a cay for di e un truck entre Lotto Macamaya y Sherwin Williams altura di e tereno di Boegoeroei.

Cu inmenso dolor na nos curason, nos ta anuncia fayecimento di:

Cornellie Margriet Arrindell

16 di juli 1962 - 29 juli 2019

Acto di intiero ta tuma lugar diaranson 31 di juli 2019 pa 11or di mainta na Misa Cristo Rey na Brazil y despues saliendo pa santana central na Sabana Basora. Nos difunto stima lo ta reposa for di 9or di mainta na misa na Cristo Rey.

Adres pa condolencia: Caya Velp 4, San Nicolas.

Diamars, 30 di juli 2019 di 7or pa 9or di anochi.



AD PATRES
fenera home

Van Rensselaerstraat 2
584-2299 / 737-2299
adpatres@qualityservice.com
Family owned and operated

Telefonnan di DIARIO

Tel: 582 6747 Fax: 582 8551

Homber tabata chocando Polis...

K9 di Polis a reacciona y a morde e chocado na pia

ORANJESTAD (AAN): Diabierna anochi na un cas cual ta situa den Burgermeester Bouwensestraat un homber a worde deteni pa a agresion domestico. Durante e detencion el a trata di choca e polis.

Pa medio di e cacho policial e homber a worde teni

ba control. E detencion por a cambia asina e bida di e agente policial. Ta bon mes cu e cacho a reacciona mesora tene e homber bao di control.

Ta asina cu Central di Polis a ricibi yama pa 9:30 pm cu den un cas situa den e caya ariba menciona un homber

ta comete destruction. Den e cas tin algun persona presente y nan tabata morto spanta. Ademas e homber encuestion ta arma cu cuchio.

Diferente unidad policial ademas y ademas e polis encarga cu su cacho policial tambe a bay den e direccion. Na yega di polis un muher a yega na porta y a core limpi bay. Tambe un homber a bin pafo pero bao sanger. Polis

kier a detene pero e no tabata coopera mesora. Na dado momento el a gara e polis y ambos a bay tera y e homber a cuminsa pa choca e agente policial.

Mientras otro polisnan a trata di kita homber pa evita e sigui choca nan colega, pero nan no tabata logra. Ora cu e homber no kier a coopera, e agente encarga cu cacho K9 di polis a pone su cacho den accion y a cacho

a morde e chocado na su pia y den un fraccion el a reacciona pa asina e agentenan detene y pone den boei.

E homber di 35 aña a worde transporta pa warda di polis na unda el a worde trata pa personal di Ambulans.

Despues a hiba e homber deteni, interroga y na e compleho di celnan el a sera encarcela. Mientras tanto e polis cu a worde choca a entrega keho oficial di entrega asesinato.

El a ricibi algun herida. Si e homber a scucha di polis esaki lo no a sosode segun e polis cu a spanta.

Tiro di advertencia a pone sospechoso pensa dos biaha

ORANJESTAD(AAN): Polis di Rotterdam a wordo dirigi diabierna marduga den careda di cinc'or.

Segun e version cu lo tin un homber lo ta circula rond arma cu arma di candela pega na su banchi carson.


Patruxa di polis a wordo dirigi mesora y abase di descripcion polisnan mesora riba homber arma pero e ultimo a core direccion Hof Plein. Polisnan su tras a los tiro di advertencia y e homber no a vacila y a para mesora pa asina agentenan a pone riba dje.

Segun tip cu polis a ricibi cu durante cu e sospecho ta huy elo a benta algo afo y polisnan a rondia y localiza e arma y a confisca esaki. Tanto e homber y cu e arma confisca a wordo transporta pa warda.

Mira con Dios a salba mi. Tur mi confianza ta den dj'E. Mi'n tin miedo; Señor Dios ta mi forsa, mi refugio. E mes t'Esun cu a salba mi. (Isaias 12:2)

Cu profundo tristesa nos ta anuncia fayecimento di:

Carlos Dorothal
Conoci tambe como
"Calito" of "Red"
*25-11-1945 † 27-7-2019



E ta laga atras:

Su señora: Iona Dorothal-Smith

Su yiunan:

Carlos y Mona Lisa Dorothal na Hulanda
Carolina (Gina) y Lennox Rochester na Sint Maarten
Jacqueline Copeland na Merca

Su nietonan: Gabriel, Miguel Dorothal

Johnathan y esposa Stefanie Rochester
Andrei, Roshandi Rochester
Richard, Gianazaira Copeland
Victoria Dorothal-Celestin

Su rumannan:

Sra. Vda. Petra (Assy, Astrid) Lopez-Dorothal
Chela y Faustino Geerman
Emiliano (Jani) y Sita Dorothal-Dirksz
Gerardo (Richi) Dorothal y Ingrid Sencion-Perez
Magriet Dorothal

Su swa: Jacintho Quant

Su cuña: Vda. Marie Dorothal

Su tanta: Sra. Vda. Benita Kock y familia

Su swa y cuñanan, sobrino y sobrinanan, primo y primanan, ihanan, comer y compernan, bisiña y kococirnan, amiga y amigonan y demás familia Dorothal, Kock y Smith.

Si en caso den nos tristeza nos por a lubida algún persona of familia, nos ta pidi nos mas sincero disculpa.

Acto di entierro ta tuma lugar Diaranson 31 Juli 2019 pa 3or di atardi na Misa Cristo Rey na Brazil y despues saliendo pa Santana Catolico na San Nicolas. Nos defunto stima lo ta reposa for di 1or di atardi na Misa.

Adres pa condolencia: Ad Patres Funeral Home
Diamars 30 Juli 2019 for di 7:00 pm pa 9:00 pm

Famia ta pidi encarecidamente pa abstene di sacramento di potret di nos difunto stima!

Despues di entierro nos no ta acepta bishita di condolencia na cas.



AD PATRES
feneral home

Van Rensselaerstraat 2
584-2299 / 737-2299
adpatres@qualityservice.com
Family owned and operated



**AFB BUSINESS
SOLUTIONS N.V.**

**Ta expresa palabranan di
sincero condolencia na famia
y amigonan di:**

Sr. Oswald van der Dijs
mihor conoci como "Ossie"

Fundador di Lovers Industrial Corp.
fiel cliente di nos compania.

Cu Sr. Oswald sosega na Paz.



**Scol di Evangelisacion "Mgr. A. van der Veen
Zeppenfeldt Aruba,**

tin e tristo deber di anuncia fayecimento di:

Sr. ILiberto Maduro

(miho conoci como Beto di Machinita)

Esposo di nos ruman stima den Cristo,
Regina Maduro Damian.

Scol di Evangelisacion ta expresa su mas profundo
condolencia na yiunan, nietonan, bisanietonan,
conocirnan y demas famianan cu perdida di nan
ser stima.

*"Mi a lucha e bon lucha, mi a core e careda te na fin y
mi a mantene mi fe. No a keda mi nada mas awor cu
ricibi e corona di husticia cu Señor, e hues husto, lo
duna mi dia E bini bek." 2 Tim 4:7-8*

'Señor duna alma di nos ruman Beto descanso eterno.
Laga luz eterno lusa p'e, cu su alma sosega na paz,
Amen.'

Entierro ta tuma lugar diamars atardi na Misa
Inmaculada Concepcion Sta. Cruz.

Cu Dios Tata duna henter famia hopi forza den e
tempo difcil aki.

Engravings Elegance

We offer all type of engravings.
Glass, crystal, acrylic, wood,
stone, marble & granite and
much more...

Tel: 583-3285 / 593-4757


Telefonnandi DIARIO

Tel: 582 6747

Fax: 582 8551

Pa aviso di fayecido: morto@diario.aw

PAWS-ITIVELY HILARIOUS!
CATS



THE MOVIES
@ PRINCIPAL

Valid July 25 - AUG 1, 2019
Schedule is subject to change
Please visit us at www.thecinema.aw for more information

THE MOVIES
@ RENAISSANCE.AUA

THE LION KING 12:00 - 1:15 - 2:30 - 4:15 - 4:45 - 5:30 - 7:00 - 8:30 - 9:15	PG	
CRAWL 10:00	R	
TOY STORY 4 6:30	PG	SP SUB
CATS 12:15 - 2:15 - 3:30	PG	SP SUB
THE POISON ROSE 7:45 - 10:45	R	SP SUB

THE LION KING 12:00 - 1:00 - 2:30 - 5:00 - 6:00 - 6:30 - 7:30 - 10:00	PG	SP SUB
CRAWL 9:45	R	
SPIDERMAN 4:15 - 7:00	PG13	SP SUB
TOY STORY 4 11:45 - 4:00	PG	SP SUB
THE SECRET LIFE OF PETS 2 THU&FRI 11:50 - 2:00	PG	SP SUB
STUBER 9:00	R	
CATS 12:30 - 2:30 - 3:00 - 4:30	PG	
ANNABELLE COMES HOME FRI&SAT 10:45	R	SP SUB
POISON ROSE 8:30	R	



THE MOVIES AT PRINCIPAL

THE MOVIES PREMIUM - VIP

"VIP must be 13 years or older guided by an adult to access this experience"

THE LION KING THU&FRI 12:15 - 3:00 - 5:30 - 8:00 - 10:30	PG	
SPIDERMAN FAR FROM HOME THU 12:45 - 3:30 - 6:15	PG13	SP SUB
THE POISON ROSE 9:00 FRI&SAT 11:15	R	

Cu aplauso a despedi di Carmen Victoria Pérez



ORANJESTAD (AAN): Un di e personahenan di TV Venezolano cu ta hopi admira na Aruba tambe, esta Carmen Victoria Pérez, a fayece recien, y Dialuna su entierro a tuma lugar na Caracas.

Cu ronda di aplauso, cu ta loke semper el a goza di dje den su bida, riba Dialuna e famia-, amigo-, artista- y colegana di trabao a bisa nan ultimo ayo na e tan stima animadora Carmen Victoria Pérez.

Na e kapel di Cementerio del Este, a tene un Sacrificio di Misa. Na final di esaki, a bay cu e restonan mortal di e kapel pa un lugar unda a prepara cremacion.

Durante e ceremonia religioso, e periodista Isnardo Bravo, kende tabata presenta tambe cu Carmen Victoria den un programa na La Romantica FM, a dedica algun palabra.

El a recorda e paso di Carmen Victoria via di TV, via radio, y tambe shownan cu e tabata maestro di cermemoria, incluyendo gala di Miss

Venezuela for di decada di 1980. E tabata haci esey na comienzo hunto cu Amador Bendayan. Prome cu esey e tabata traha como bailarina cu Renny Otolina, kende ta wordo considera como un di e icononan di TV Venezolano.

"La Flaca" Carmen Victoria Pérez a fayece Diasabra 27 di Juli na Caracas debi na un atake di curazon. E tabatin 78 aña di edad.

E mesun dia ey, Bravo a despedi di Carmen Victoria riba Instagram bisando: "Danki Dios cu tur cos cu mi a sinti di ta cerca di bo mi casa, bo por a scucha. Por favor, mi ta pidi bo yudami for di unda bo ta, pasobra aworaki mi no sa con mi lo bay haci NOS programa sin bo."

Entre esnan presente na e misa, tabatin e conocido Gilberto Correa kende a presenta como MC hunto cune

tambe den certamen di Miss Venezuela. Carmen Victoria a yega di traha pa tanto Radio Caracas Television como tambe pa Venevision. Den e ultimo aki, el a forma parti tambe di e show di Sabado Sensacional, cu tabata un di e shownan mas grandi y di hopi tempo na Venezuela. Dos biaha tambe Sabado Sensacional a bin haci show en vivo na Aruba.

Despues di TV, el a dedica su mes ultimo añanan na programa di radio.

Na e santana, un sobrina di dje, esta Victoria Eugenia Gimenez Pérez, a bisa cu un di e cosnan cu mas ta lage feliz tabata cu el a mira con su tanta a hiba un bida asina digno, profesional, y cu hende stime y ta keda corde cu hopi cariño.

Periodistanan a entrevista e ex-Miss, Nina Sicilia y el a bisa cu e ta sinti su mes hopi honra di a yega di traha

cu Carmen Victoria Pérez, kende e lo keda corda pa su carisma, talento, y generosidad.

Otro presentador di TV, Maite Delgado cu ta awor hopi na Aruba, riba Instagram a describi Carmen Victoria Pérez como "e animadora mas grandi y mihor di TV Venezolano"

Dia 13 di Juli cu a pasa, Universidad Catolica Santa Rosa a entrega na Carmen Victoria Pérez un titulo di Comunicadora Social "honoris causa", pa su carera den TV y radio.

E periodista Roland Carreño den su mensahe di despedida, a bisa: "Tur hende lanta para pa despedi di dje. E voz di e animadora mas grandi di tur tempo na Venezuela a paga. Danki Carmen Victoria Pérez pa asina hopi deroche di clase, estilo, elegancia, dignidad, y tipico Venezolano.



DEN AMBIENTE

F PoetsTV

Ganadornan di Balashi Brewery a goza un mundo den Fenway Park y tabata tin e privilegio pa subi tereno durante batting practice y a topa cu Xander Bogaerts pa un potret di recuerdo...

*** Durante fin di siman e ganadornan di e exitoso campaña di Balashi Brewery a goza un mundo den Fenway Park durante e weg cu Boston Red Sox a gana NY Yankees cu e score di 10-5. Prome cu e weg Danki na Xander Bogaerts durante batting practice e ganadornan a ricibi un badge special pa asina nan por a topa cu Xander Bogaerts y a tuma un potret di recuerdo. PoetsTV Aruba a percura pa saca e potretnan y a guia e ganadornan pa yega riba tereno. Na momento cu ganadornan tabata tuma potret cu Xander Bogaerts, e canal di Red Sox a graba e momentonan aki, cual sin duda ta un otro promocion pa nos dushi Pais Aruba. E ganadornan a hospeda den e luhoso Boston Pari Plaza y a viaha cu vuelo directo cu Jet Blue, cual sin duda tabata un tremendo gesto di Tropical Bottling Company NV su prestigioso cerbez netamente Arubano BALASHI BREWERY. Danki na Mitch Bermudez di Tropical Bottling Company, Atco Concrete Products NV, Ecogas, Bulto Arrindell, Gelo Blanco y nos super estrema big leaguer Xander Bogaerts, kende a brinda e ganadornan un trato exelente. Keda pendiente pa e cobertura historico di PoetsTV Aruba muy pronto na Telearuba.





pa biba mihor

UN PAGO TA INLCUI:
TUR COS!

- GREE INVERTER AIRCO
- INSTALACION Y MANTENCION
- GARANTIA ADICIONAL
- 0 DOWNPAYMENT
- USO DI CORIENTE SUPER ABOU

GREE
air conditioners

FRIEW FRIEW
SIN DOLOR
DI CABES!

GREE



GREE

DESDE
99,-

9000 BTU

99,-
PA LUNA

12.000 BTU

119,-
PA LUNA

18.000 BTU

155,-
PA LUNA

ASINA
MES!

PAGA UN SUMA MENSUAL SUPER ABOU Y HAYA BO GREE INVERTER AIRCO INSTALA, MANTENI Y DRECHA (SI MESTER) SIN GASTO ADICIONAL PA BO PA UN PERIODO DI 2 AÑA!

Prijs basa riba credito special di 24 luna sin downpayment.

Pa Credit bin cu ID Valido, 2 ultimo payslip, recibo di Elmar, Setar y WEB. Credit Prijs ta basa riba credito di 24 luna despues di 10% downpayment. *Tanten cu tin den stock.